



सानसेयारि बड'सा

सानसेयारि "बड'सा" खीरालाइयाव अमाज्यादि जिउजो लोब्बा थावाय रायथाय, खन्थाय, अल', अल'बाथा आरो हवबायादि थाचनि, पार्क बाइदिनि सायाव लिन्नाय लिन्निबां हैथाय ठर/सानसेयारि "बड'सा" खीरालाइया अवेरानावै फोसावगोन।
बड'सायाव लिन्नायनि हुवा खालाम,
"बड'सा" खी नौथां, जो बयबो आंगो खालाम।

सानसेयारि बड'सा मावखुलि
माइब नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 10 December, 2023 Kokrajhar, BTC, Assam ★ Vol. - 33, Issue No. 254 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

सरुपेटाआव गोबां
बिबानि आयेन बेरेखा
मोखिलनि तारजो लोगोसे
साने सिखाव हमदो



भवानिपुर, 9 डिसेम्बर: सरुपेटा पुलिस आउट पस्टनि सिडाव थाया साउलियाबरिआव मैया बेलासिनि 1.20 रिगायाव गोबां बिबानि आयेन बेरेखा मोखिल तारजो लोगोसे साने सिखावखो सरुपेटा पुलिसआ हमनो हायो। पुलिस सुलुडा मिथिहोनाय बादिल्ला, मोनसे संगालि सुलुनि बिथायाव सरुपेटा पुलिस आउट पस्टनि बिबानिगिरि किशर कुमार शर्मानि दैदेन्नायाव पुलिससिनि (□ 5 बिलाइआव)

राइज्यो बेंगिरि गुलाब चान्द कातारियाआ गांब्रै बिजाब बेखेवदों

आसामनि मोनफ्रोमबो खोन्दोयावनो गिबि मन्थि ड० हिमन्त बिश्व शर्माआ मख 'जाथाव थासारि सोर्जिनो हदों: राइज्यो बेंगिरि

"बे बिजाबफोरा इयुननि मोनसे गोनांथार फुंखा जानानै थागोन"

दिसपुर, 9 डिसेम्बर: जनता भवनआव थाया लकसेवा भवननि खौरंगिरि मेल जथुम खथायाव दिने खुनाय मोनसे हाबाफारियाव आसामनि राइज्यो बेंगिरि गुलाब चान्द कातारियाआ आसामनि गिबि मन्थि ड० हिमन्त बिश्व शर्मानि 'मुख्य मन्थिर डाइरि- 2' आरो 'मुख्य मन्थिर बकत्रिता संकलन-2' मुनि गोने बिजाबजों लोगोसे गिबि मन्थि ड० शर्मानि गुबुन गुबुन लिन्निबां उडिना राव सोलायनाय जुथाय सुजुनाय 'अन्य एका दृष्टिकना'



मुनि बिजाबखोबो हाबाफारि बायदिये बेखेवना जादों। बेनि अनगायैबो गिबि मन्थिनि गाहाइ प्रेस नेहाथारि धुव महन्तनि 'किमान सुरक्षित जातिर भविशत' मुनि बिजाबखोबो दिनेनि हाबाफारियाव राइज्यो बेंगिरि कातारियाआ बेखेवना होयो। मख 'नो गोनांदि, सोलिफु बोसोरनि 5 जानुवारीयाव मुख्य मन्थिर डाइरिनि सेथि खोन्दोखो गोर्जोसिन बिजिसालिनि बारग' गाहाइ बिजिरिगिरि रन्जन गंगैआ बेखेवना (□ 5 बिलाइआव)

कंग्रेस एमपिनि न'आव 300 कौटि रां बोखानायखो लानानै कक्राझारआव बिजेपिआ खुदिखादों



कक्राझार, 9 डिसेम्बर: निखावरिनि रां जाप्रा कंग्रेस हाय-हाय, सनिया गान्धी हाय-हाय, राहुल गान्धी हाय-हाय, धुपेन बरा मुर्दाबाद स्लगानजों दिने कक्राझार जिल्ला बिजेपिनि मावखुलियाव मोनसे खुदिनाय हाबाफारि खुनाय जायो। मख 'नो गोनांदि, झारखण्डआव कंग्रेसनि सासे एमपि धिराज प्रसाद साउनि न'आव मोनसे सिग्रोमनाय हाबाफारि लानायनि गेजेरजों 300 कौटि रां बोखानो हानायखो लानानै हादतजों लोगोसे कक्राझार बिजेपि दोलोयाबो गोखों खुदिसारो। बे बायदिनो दिने कक्राझार जिल्ला बिजेपिनि मावखुलियाव गासै सा 100 निबो बांसिन दैदेनगिरि-मावथिफोरा आखाइ-आखाइ फेस्टुन, प्लेकार्ड लानानै कंग्रेसनि हैथायै गोखों सोमावसारो। मख 'नो गोनांदि, कंग्रेसजों लोगोसे इण्डिया जुथाय (□ 5 बिलाइआव)

गिबि मन्थिआ आसाम राइज्योयारि जुनारसालिआव नायगिदिहैदों

चिलसर आरो डिब्रुगडआव गंनै जुनारसालि लुनायनि गुदि खामानिफोरा जागायजेनबाय: गिबि मन्थि

दिसपुर, 9 डिसेम्बर: गिबि मन्थि ड० हिमन्त बिश्व शर्माआ दिने आसाम राइज्योयारि जुनातसालियाव नायगिदिहैनानै लुफु थायनि सायाव सुलु लाहैनायजों लोगोसे जिब-जुनातनि सरैखाथिनि राहा, देहा आरिनि सायावबो सुलु लाहैयो। गिबि मन्थिआ हाग्रा बिफाननि गोर्जो थाखोनि बिबानिगिरिजों लोगोसे जुनारसालिखो



फोर्जोखानाय बिथिडव लानो गोनां राहाफोरनि सोमोन्दै सावरायलायो। बेनि उनाव खौरंगिरिनि मोगा-मोगि जानानै गिबि मन्थिआ बुडोदि, जुनारसालियाव गिबि खेबनि थाखाय गोदान आलासि महैर मासे जिग्राफ फिसाया जोनोमो मोन्दों। (□ 5 बिलाइआव)

भेगावआव बियाब थाखोनि खेल महारन हाबाफारिया खुंफुजाबाय



कलाइगाव, 9 डिसेम्बर: उदालगुरि जिल्लानि भेगाव महकुमायाव खुनाय खेल महारन हाबाफारिया थांनाय शुकुबारखालि खुंफुलाडे। मख 'नो गोनांदि, 400 आरो 800 मिटर खारनायनि अनगायैबो भलिबल गेलेनायाव देरहासारो हानाय हान्जानो मोनसे हाबाफारिनि गेजेरजों बान्थाखो गथायनानै होयो महकुमा बेंगिरि (□ 5 बिलाइआव)

आसाम हारिमुवारि जांखिथाय-2023

जिल्ला बेंगिरि मावखुलिनिफ्राय आन्जादखो दोन्थनायनि बिथोनमा आरो मुलुगसोलोंसालिनिफ्राय आन्जादनि रुटिन होनायखो लानानै फरायसालिमा बिफानआ जेनायाव गोलेदों

कक्राझार, 9 डिसेम्बर: दान्थे-बिदन्थेजों मोगा-मोगि जानो गोनां जानाय कक्राझारनि देबरगाव राडलिकातायाव थाया बड'लेन्ड मुलुगसोलोंसालिनि सिडाव फरायसालिमाफोराव थांनाय 6 डिसेम्बरनिफ्राय बि.ए., बि.एस.सि., बि.कम.जों लोगोसे गुबुन गुबुन फरा-

फारिनि डिग्री थाखोनि सेथि आरो बाथि सेमिस्टारनि गुबुन गुबुन आयदानि आन्जादफोरा जागायजेनबाय। बेबायदियाव मुलुगसोलोंसालिनि आन्जाद सामलायगिरिआ आन्जादनि रुटिनफोरखो फोसावदोंमोन आरो गुबुन गुबुन फरायसालिमानि फरायसाफोरा आन्जादयाव जिग्रायदोंमोन। आथिखालाव

रुटिन बायदिये मोनै आयदानि आन्जादयावो खुंजालांबाय। नाथाय हरखाबै कक्राझार जिल्ला बेंगिरि मावखुलिनि ट्रेन्सपर्मसन आरो डेभलपमेन्ट ब्रान्सनिफ्राय केडिअ. 44/97/पिटि-11/186 नं. बिथोनमानि गेजेरजों कक्राझार जिल्लानि गंग्रोमबो फरायसालि नायसंगिरि, (□ 5 बिलाइआव)

सुबुं अन्सायारि महरै भिसिडिसिनि मासिगिरि आलमा बसुमतारि

गोजां बोथोरनि समाव गोरीब नख 'रफोरनो कम्बल रान्दों



बड'सा थान्द/उदालगुरि, 9 डिसेम्बर: 38 नं भैरकुण्डबिटिसि बियाबनि सिडाव थाया भरला भिसिडिसिनि मासिगिरि आलमा बसुमतारिया थांनाय समफोराव दिने 10 डिसेम्बराव रुंसारि सम्भारु र्वर्गियारिनि सारादु खुनो लाहार-फाहार



भवानिपुर : बाक्सा जिल्लानि सालबारि महकुमानि सिडाव थाया हाथिनापुर गामिनि थागिबि आजिरा मोन्नाय गुण गोनां फोरोंगिरि, जर'खा समाज सिबियारि, बाथों धोरम हारिमुनि (□ 5 बिलाइआव)

भिसिडिसिनि राइजो-राजाफोरनि जोगालु आरो अन्साइलु मावबिथाखिनि गेजेरजों गुबुन समाव गुबुन हाबाफारि

बान्जायबोनायजों लोगोसे दिने फिन गावनि भिसिडिसिनि सिडाव गोलेनाय माखासे रांखाथियारि लोरबाथिनि जाहोनाव गोजां बोथोरनि समाव गुदुं सि, खम्बल बायनानै लानो हायै थासारिखो नोजोर होनानै बोराइ-बुरे, खाना-लेंग्रा बायदि सुबुंफोरनो गावयारि रां खरसा खालामनानै भिसिडिसिनि सिडाव थायाव दर 8 रिभिनिड गामिनि सुबुंफोरनो गां 800 (□ 5 बिलाइआव)

झारबारि इउएन एकाडेमिआव खुंगा 5थि फरायसालि फोर्बो-2023 खुंदों

साफ्रोमबो बिमा-बिफाया गावनि फिसाखो जेरैखि जाया सासे गोजो थाखोनि सुबुं खालामनो सान्नाय जानांगोन: सोमदोन ब्रह्म

झारबारि, 9 डिसेम्बर: कक्राझार जिल्लानि सिडाव थाया झारबारि इउएन एकाडेमिआव थांनाय 4 डिसेम्बरनिफ्राय 9 डिसेम्बरसिम 6 साननि हाबाफारिजों गुबुन गुबुन आयदाफोर जेरै- गेलेमु, हारिमु बायदि रोखोमनि फरायसाफोरनि बादायलायनायनि गेजेरजों गाजा-गोमजायै खुंगा 5 थि फरायसालि (□ 5 बिलाइआव)



आदर्श ट्राइबेल गामि दाफुंनायनि आइडिडिपिया जगायनाय कौटि कौटि रांनि आइजे-आइलाफोरखो दिनेसिम रान्नानै होयैनि अजद

कक्राझार, 9 डिसेम्बर: ट्राइबेल गामिफोरखो मोनसे आदर्श गामि महरै गायसनायनि थांखिजों 2021-22 निफ्राय 2025-26 माइथायनि थाखाय गाहाइ मन्थि आदर्श गामि बिथांखि आजावदोंमोन। नाथाय बे बिथांखिया थारैनो बिटिसिआव



बेसेबां मावफुंजादों बेखो कौटि-कौटि रांनि आइजे-आइलाफोराव

गाहाइ मन्थि आदर्श गामि बिथांखिनि गेजेरजों ट्राइबेल हारिनि सुबुंफोरा जिउ खुनाय गामिफोरनि गावसुंथा हान्जाफोरनि गेजेरजों रान्ना थाखाय आइडिडिपि बिफाना जगायनाय कौटि-कौटि रांनि बेसेन गोसा आइजे-आइला जेरै- माय (□ 5 बिलाइआव)

देहा आरो नख'र
अन्साइ मन्थि आफाद
भारत सरकार

जिउनि थरथिनै ड्रपनि

पलिअ' होनायजों देरहानायखो लांबाय थानि

पलिअ'
सान
10 डिसेम्बर,
2023

भारतआ पलिअ' उदां नाथाय पलिअ'या माखासे हादतफोराव दासिमबो दड आरो फिन फैफिन्नो हागो। नोंथाडा गथ'नि आबुं रैखाथिखो रोखा खालाम। पलिअ'नि भेक्सिनखो जेब्लायबो हो। पलिअ'नि सायाव हादतनि देरहानायखो लाखिनायाव बाहागो ला।

वांसिनै मिबथिनो थाखाय आशा/ए.एन.एम./अंगनवादि मावफारियाफोरखो लोगो हम।

पलिअ' सान 10 डिसेम्बर, 2023 खो बेफोर जिल्लाफोराव फालिनाय जागोन: बाक्सा, बरपेटा, बडाइगाव, शाराइदेव, चिरां, दरं, डिब्रुगड, डिमाहासाउ, गवालपारा, गलाघाट, जरहाट, कार्बि आंलं, करिमगन्ज, लक्षिमपुर, मरिगाव, शिवसागर, सनिनपुर, तिनचुकिया, उदालगुरि।

अपने बच्चे का
सम्पूर्ण टीकाकरण कराएँ

सुजुगिरिनि खोलोम

जायगानि राजखान्ति

हादतनि गुबुन गुबुन रइज्योफोर बादिनो जॉनि रइज्योनि दरसे फिसा रइज्यो एबा ओन्सोलआवबो दासान्दि राजखान्तिनि बार बारहानायखौं नुनो मोनहानाय जाबाय। बे राजखान्तिनि बारआ फैगौ बोसोराव खुंनो गोनां लकसभा बिसायख 'थिखौं लानानै जायगानि राजखान्ति दोलोफोरनि गेजेराव साखा-फारा जानाय। लकसभा बिसायख 'थिनि बोसोराव उनाव खुंजानो गोनां बिटिआरनि बिसायख 'थिनि थाखायबो बे साखा-फाराया जानो हागौ होन्नानै गोबाडनो सावरायनो लानाय जौं नुनो मोनो। ओन्सोलनि मोनै ओन्सोलारि राजखान्ति दोलोनि गेजेराव फोसावदिनाय नुनो मोन्याय जायाखेब्लाबो दासान्दि जायगा जायगा दोलोयारि मेल-मिटिं खुंनानै मावफारियाफोरखौं सांग्रांथियाव लाबोनो नाजानायखौं नुनो मोन्दौं। बे रोखोमै नडब्लाबो सम सम आरो जायगा जायगा जइनिं हाबाफारिनि मोलबो खुंनयखौं नुनो मोन्याय जादौं। खौरं बिजौं समाजआरि बिजौंफोरव नुनो मोन्याय बादिचै गावबा गावनि दोलोयाव गुबुन गुबुन दोलोनि मादतगिरि, दैदेनगिरिफोर हाबफैनायनि खौरं मोन्याय जायो। थांखिया मोनसेयानो- फैगौ लकसभा बिसायख 'थियाव बादायनानै देहासाद जानाय। जॉनि ओन्सोलारि राजखान्ति दोलोनि गेजेराव जएनिं मेल, सांग्रांथियायि मेल खुंनानै फेदौब्लाबो दासिम बिजाथिनि बाश्रा रायखानायखौं जौं नुनो मोन्याय जायाखै। अदेबानि माखासे सान सिगाडव हादतखौं खिजिबा बोसोर खुंथाय सामलायनाय हादतनि गोजामसिन माहारियारि थाखोनि राजखान्ति दोलो मोनसेआव बिजाथिखौं लानानै दावराव-दावसि जालायनानै सिरि जाफिन्यायखौंबो नुनो मोन्याय जादौंमोन।

जॉनि फिसा रइज्योनि ओन्सोलारि राजखान्ति दोलोफोरा गोखौं बिथा गोनां आरो गोनांथियाव फेनायखायनो रइज्योनि राजखान्थियावबो मैखोमै बिफाव लानानै फेनायखौं जौं नुनो मोन्याय जायो। बै समनि गलाब बरबरा दैदेनाय जनता सरकारव ओन्सोलारि राजखान्ति दोलो पिटिसिए नि बाहागो लानायनिफ्राय तरुन गौनि समाव मोनै टर्मस आरो आरो बिजेपिजौं मोनसे टर्म सरकारव थानानै खुंथायनि बिबान सामलायबोनायनि उनाव दासान्दि गुबुन मोनसे ओन्सोलारि दोलोयाबो रइज्यो सरकारनि बाहागोदार जानानै थानायखौं जौं बयबो मिबथिगौ। रइज्योनि राजखान्थियाव गुबुन ओन्सोलारि दोलोफोर बादिनो जॉनि हालामनि ओन्सोलारि राजखान्ति दोलोफोरहाबो गावहानो मोनफा मोनफा थांखि लानानै जोनोम मोन्याय दोलो। बेखायनो गावखौं थांखिनिफ्राय दोरोदजानो गिनाय नुनो मोन्याय जायो। खुंथायनि गिदित बाहागो लानानै थानाय हान्जाया गावसोरखौं जैरेबो-जेरावबो गोखौं खालामनायनि थांखियै बिटिआर हालामावबो दोलोयारि मेल खुंनानै फेनाय नुनो मोन्याय जादौं। बिटिआरनि उनाव अखं आसामनि फासै थांखि लानायखौंबो रोखा खालामदौं होन्नानै मिबथिनाय जादौं।

दिनैनि फान्जामुथि

राशि बाइदियै मुनि गिबि हांखो
 मेष : अल बुध : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र वृश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

मेष: जैरेबो गोजोन्नायखौं मोन्नो हागोन। फारफोमथिबो मोजां। थासारिया मोजां।
बृष: गोसोखौं मानोबा गात्रि मोनखानो हागौ। जेखि मावा शान्ति गैये जागोन। गोसोखौं हमथा।
मिथुन: मोजां हाबा मावनानै जाफुहोनो हागोन। बयखौंबो थुलुंगाखांहोनो हागोन। मोजां सान।
कर्कट: मानिबा जेनानि थाखाय गात्रियै जिंगा सिनानो हागौ। गोसो हमथानानै सोलिनांगोन।
सिंह: हरखाबै माबाफोर मुवा-बेसाद मोन्यायनि आसा दड। बे रशिनि थाखाय गहाम सान।
कन्या: माखौंबा लानानै दावराव-दावसि जाबायबायनो हागौ। गोसोखौं हमथानानै था।
तुला: जेबो जेना-जेसि गैये शान्तियै थानो हागोन। फारफोमथिबो मोजां। गोजोन मोनगोन।
वृश्चिक: सान्यायफोरा जाफुडैनि थाखाय गोसोआ बायफलेलानो हागौ। गोसोखौं लोरबां लानो नाड।
धनु: जैरेबो रंजा-बाजा खालामनानै समखौं बारहोनो हागोन। सान्याय-हनायफोरा जाफुगोन।
मकर: माबाफोर फिसा-फिसौ खामानि मोन्यायनि सुबिधा मोन्नो हागोन। मुलाम्फा जागोन।
कुम्भ: माबाफोर थांखि एबा मिजिं थिनाय दड'बा जाफुसोरनो हागौ। गोजोन्नायखौं मोन्नो हागोन।
मीन: माबा मोनसे गोदान खौरं मोन्नो हागोन। गोसोखौं गोजोन मोनगोन। मोजां सान।


जारिमिनखौ मिबथियाब्ला बाथाखौ बुनो नाडा होन्ना गिबि मन्थि शर्माआ एम पि सिबबालनि बिबुंथियाव फिनजाथाइ होदौं

गुवाहाटी, 9 डिसेम्बर: रइज्यो सभानि एमपि कापिल सिबबालनि मेनसे बिबुंथिखौं लाना दान्थे-बिदान्थे सोमजिदौं। थानाय 5 डिसेम्बरआव सुफ्रिम कर्टआव मोनसे हियारिनि समाव बिथाडा बुंदौं, सा-सान्जा रइज्योआ मोनसे समाव म्यान्मारनि बाहागोमोन। बिथांनि बे बिबुंथिखौं लानानै आसामनि गिबि मन्थिआ फिनजाथाइ होदौं। बिथाडा बेबायदि दाबि देखानायखौं आबुडे नेवसिनानै बुंदौंदि, जाय सुबुंफोरा आसामनि जारिमिननि बागै मिबथिया बियो बेनि बागै बाश्रा



बुंनो नाडा। खौरंगिरिफोरनि सिगाडव गिबि मन्थि शर्माआ बुडेदि, जायहा जेबो गियान गैया बियो बाथा बुंनानाड। आसामा माल्बाबाबो म्यान्मारनि बाहागो नडामोन। माखासे

सनिया गान्धीनि 77थि जोनोम सानाव मदिजौं लोगोसे माखासे दैदेनगिरिफोरा हामब्लायथि बाउहरदौं



गोदान दिल्ली, 9 डिसेम्बर: गाहाइ मन्थि नरेन्द्र मदिआ आगुनि आफादगिरि सनिया गान्धीनो शनिबारखालि बिथांनि 77थि जोनोम सानाव हामलायथि हरदौं। पिएम मदिआ सशेल मिडिया जौंसां

'एक्स'याव सनिया गान्धीनो बिन जोनोम साननि हामलायथि बाउथो। तामिलनाडुनि गिबि मन्थि एमके स्टालिनआबो सनियानो हामलायथि हरदौं। पिएम मदिनि हामलायथि हासत्या ओरेबायदि समाव फेदौं,

जेब्ला कंग्रेस बावयैसो समाव जोबना थानाय बिधान सभा बिसायख 'थिफोराव दरथाम हिन्दी रवनि रइज्योफोरव जेनो आरो मख 'जाथावयै लखसभा बिसायख 'थिया 6 दावल 'सै। बेगफरसे, कंग्रेसनि आफादगिरि मल्लिकार्जुन खड्गजौं लोगोसे कंग्रेस दैदेनगिरिफोरबो सनिया गान्धीनो बिन जोनोम सानाव हामलायथि बाउदौं। कंग्रेसनि गाहाइ नेहाथारि कै सि वेपुगपालआबो सनिया गान्धीनो बिन जोनोम सानाव हामलायथि बाउथो आरो

समाजनि निखावरिजौं लोगोसे गोग्लैसोना थानाय थाखोनि सुबुंफोरनि थाखाय बिथांनि मावनायखौं बोखायो। बेगफरसे तेलेंगाननि गिबि मन्थि रेवन्त रेड्डीआ कंग्रेस दैदेनगिरिफोरजौं लोगोसे हाइद्राबादाव कंग्रेस संसदीप दोलोनि आफादगिरि सनिया गान्धीनि जोनोम सान फालियो। बिसोर केक हानानै सनिया गान्धीनि जिउ गोलाव जानायनि थाखाय आरज गाबो। फारसेथि बेरेखा दोलोनि माखासे दैदेनगिरिफोरबो सनिया गान्धीनो जोनोम साननि हामलायथि बाउहरो। सुलुडा फोरमायनाय बायदिब्ला, सनिया गान्धीनि जोनोमा 1946 माइथायनि 9 डिसेम्बरव इटलीयाव जादौंमोन। बियो बयनिखुइ लावसिन समसिम कंग्रेसनि आफादगिरि जादौं। बिथाडा थानाय माखासे बोसोरनिफ्राय सावखिनि जाहोनफोरनि थाखाय रजखान्थिनिफ्राय जानार जायो आरो आथिखालाव बिथांनि फिसाज्जला रहलु गान्धी आरो फिसाजो प्रियंका गान्धीआ पार्टीयाव गाहाइ बिफाव लागसिनो दड।

असमीया-मुसलमानफोरनि समाजारि-रांखांथियायि सार्भे खालामनो हिमन्तनि केबिनेटआ गनायथि होबाय

गुवाहाटी, 9 डिसेम्बर: आसामनि हिमन्त विश्व शर्मा सरकारआ रइज्योनि इन्डजेनास मुस्लिमफोरनि समाजारि-रांखांथिआरि नायसनायनि थांखि लादौं। आसाम सरकार बुंदौंदि, बेयो रइज्योनि इन्डजेनास मुसलमानफोरनि समाजारि-रांखांथियायि सार्भे खालामगोन। गिबि मन्थि शर्माआ सशेल मिडिया एक्सआव बेनि खौरंखौं होदौं। बिथाडा लिरदौंदि, इन्डजेनास असमीया मुसलमानफोरनि समाजारि-रांखांथियायि सार्भेखौं डायरेक्ट अफ माइनिस्ट्री एफियार्स आरो मोनब्रै बिथिफोरनि गेदजेरडजौं खालामनाय जागोन। जथुमायाव थांखि लानाय जादौंदि, मोनब्रै बिथिफोरनि जौगाखां डायरेक्टनि मुं'खौं सोलायनानै मानिनिस्टी एफियार्स आरो मोनब्रै एरियानि डायरेक्ट आसाम खालामनानै होनाय जासिगोन। बेनि अनागयै केबिनेटआ मासिनि समाव खुंनया आसार-खान्थिआरि मैसो आरो



मोसौ बदलफोरनि सोलायहोनायखौं खुंनो गनायथिनि थाखाय एसअपि फोसावनायनिबो गनायथि होयो। एसअपिनि थांखिया बेखौं रोखा खालामनायदि, जुनातफोरनि सायाव होसो जानानै अनागार आखु बाहायनाय एबा गात्रि रोखोमै बाहायनो हाया। जाय गोदो-गोदायनि गोजाम असमीया हारिसुआरि आसार-खान्थिनि एंगारहायै बाहागो बोसोरनि मैसो सोलायहोनायनि समाव बेखौं बान्जयाग्रफोरा बेसोरनि मोजांनि थाखाय होनाय जायो। लोगोसेनो मन्थि आफादआ रइज्योनाडै बिजाब बाखि लुनायनि थाखाय 259 कौटि रां गनायथि होयो। फरायसाफोरनि गेजेराव उरायनायनि हुदाखौं बांहोनो थाखाय बिजाब बाखि आरि डिजिटेल गुदि बिथा दाफुंनय जागोन। बे यजनानि थांखिआ गं 2,197 गांमि पन्चायतफोर आरो 400 नोगोर पब्लिक वर्डफोराव गोदान बिजाब बाखि लुनायखौं जागायनाय आरो इन्टरनेट कानेक्टिभिटीजौं लोगोसे बिजाब, फार्निंचार, कम्प्युटर फोरखौं बायनानै जगायनो जागायनाय।

मोसौ गाइनि दिहुन्नाय पिउलजौं रकेट उरायहोनो थियारि जाबाय जापानआ

गोदान दिल्ली, 9 डिसेम्बर: फेनो गोनां समाव मोसौ-मैसोनि गोबोरिखिजौं रकेट बिरोहोनो हानाय जागोन। जायनि थियारिखौं जापानआ खालामदौं। जापाननि गंसे कम्पनी इन्टरस्टेलार टेक्नल 'जिआ मोसौ गाइनि गोबोरिखिजौं पिउल थियारि खालामदौं। बेनि टेस्टिनि समाव, रकेट इन्जिननिफ्राय अर ओंखारनाय नुनो मोन्दौं। बे अरनि आन्देआव बायमिथेन मुनि पिउल दड; जायखौं मोसौ गाइनि गोबोरिखिनिफ्राय थियारि खालामनाय जादौं। कम्पनीआ बेनि टेस्टिनि सोमोन्दै भिडिअ शेयार खालामदौं, जेराव प्रप्टाइप रकेट इन्जिनजौं बेबायदि पिउलखौं टेस्ट खालामनाय जादौं, जेराव जाफुंसारबो जानो हादौं। बे समाव इन्जिननिफ्राय 10-15 मिटरसिम अर सालाइ ओंखारदौं। मख 'जाथावदि, जापाननि जाय कम्पनीआ बायमिथेन मुनि पिउल थियारि खालामदौं, बेनि जरखा बाश्राया बेनोदि, बेखौं लकेल डायरी फार्मफोरनि मोसौ गाइफोरनि गोबोरिखिनिफ्राय बानायनाय जादौं। दाबि देखानाय जादौंदि, बे पिउलआ स्पेस टेक्नल 'जिनि मुलुगाव गिदिर सोलायनाय लाबोनो हागौ आरो बेयो स्पेस एजेन्सिफोरनि थाखाय गिदिर मदत जानो हागौ। जापाननि इन्टरस्टेलार टेक्नलजी कम्पनीआ मोसौ गाइनि गोबोरिखिजौं जाय पिउल दिहुन्दौं जुदि बेजौं रकेट लन्थिआव आबुडै जाफुंसार जायो अब्ला

समनि थाखाय दावराव जादौंमोन आरो बेल 'सोमोन्दे दडमोन। आसामआ म्यान्मारनि बाहागोमोन होन्ना बुंनय जेबो डेटाखौनो दासिमबो नुनो मोनफेराखै होन्नाबो बिथाडा बुंदौं। मख 'जाथावदि, थानाय 5 डिसेम्बरआव नोगोरि एक्ट 1955 नि सेक्सन 6 एनि गनायथिजानायखौं सेलेन्ज होनो थाखाय माखासे आरजलाइफेरनि सायाव कर्टआव हियारि होयो। बे समावनो सिबबलआ बुंदौंदि, मोनसे गोरबथा बादिचै इंगजफोरनो गथायनायनि सिगां म्यान्मारनि

थामथि खेब सरकारआव भारतआ मुलुगानि थामथि देरसिन रांखांथियायि हादर जागोन: मदि

गोदान दिल्ली, 9 डिसेम्बर: देहरदुननि उत्तरखन्ड ग्लबेल इन्भेस्टमेन्ट शिखर सन्मिलनखौं बेखेवनाय समाव गाहाइ मन्थि मदिआ बुडेदि, फैगौ माखासे बोसोरआव भारतआ गावनि



थामथि सरकारनि समाव मुलुगानि थामथि देरसिन रांखांथि गोनां हादर जागोन। साननैनि हाबाफारिजौं खुंनयनाय शिखर सन्मिलननि गाहाइ थांखिआ बे हाजोयारि रइज्यो उत्तरखन्डखौं मोनसे गाहाइ इन्भेस्ट डेस्टिनेसन महैरै जौगाहोनाय। गाहाइ मन्थिआ जायगानि दिहुन्थायफोरखौं बांहोनो आरो सेल्फ हेल्प ग्रुपफोरनि आय बांहोनो थाखाय ब्रान्ड हाउस अफ हिमालयासखौंबो जागायदौं। शिखर सन्मिलनआ माखासे दान सिगांनिफ्रायनो थियारि खालामजादौंमोन। बेयाव हादर आरो गुबुन हादरनि रोजा-रोजा इन्भेस्ट आरो थान्देफोर बाहागो लादौं। मख 'जाथावदि, बे शिखर सन्मिलनआव 2.5 लाख कौटि रनि रदाय फोसावदिआव मुंसाइ होनांगौमोन, नाथाय बे थांखिखौं बेनि हाबाफारिआ जागायनायनि सिगांनो बारलानो हादौं। दासिमआव 3 लाख कौटि रनि एमअइउ मोनखौंबाय। इन्भेस्ट सन्मिलननि थाखाय गिबि मन्थि पुक्कर सिं घामोआ ब्रिटेननि लन्डन, वार्मिंघामजौं लोगोसे दुबाइ आरो आबुधाबिआव रड श्व 'खालामदौंमोन। गाहाइ मन्थि मदिआ इन्भेस्टफोरजौं उत्तरखन्डनि जोबनो गैये गौहोनि मुलाम्फा देखानो आरो बेफोरखौं खाबुआव सोलायहोनो खावलायदौं। ग्लबेल इन्भेस्ट शिखर सन्मिलननि गाहाइ थांखिआ हाजोयारि रइज्योखौं दसे गाहाइ इन्भेस्ट फुंखा महैरै जौगाखां होनाय। गाहाइ मन्थिआ बुंदौंदि, उत्तरखन्डआ इसोरनि शक्ति आरो जौगाखानायनि जुथाय। मिथिंगा, हारिमु आरो बिरासतआ उत्तरखन्डनि आबु गोहो। बेफोरनि दर्जाखौं बेखेवनांगौ आरो बेफोरखौं खाबुआव सोलायनांगौ।

डिसेम्बर दानाव बिदुडा 2-4 डिग्रिसिम दावख्लायनो हागौ!

गोदान दिल्ली, 9 डिसेम्बर: भारतनि माखासे ओन्सोलफोरव बोथोरा सोलायनो हमदौं। रजथावनि दिल्लीयाव गुसु बारजौं लोगोसे साननि समावनो जोमै सागलोबनायखौं नुनो मोनगासिनो दड'। बोथोर बिफाननि बायदिब्ला, फैगौ सपताहायव सा भारतनि हायेन ओन्सोलफोरव गुसुआ बांनो हागौ। हाजोनि बरफ गोलैनायनि जाहोनाव बिदुडा दावख्लायनो हागौ होन्ना हमदौं। जम्मु-काश्मीर आरि अतराखान्डयाव फुं आरि बेलासि समाव खुवा खुनाया सुबुंफोरनि जेनाखौं बांहोदौं। दावबायारि ओन्सोलफोरव बरफ गोलैनायनि जाहोनाव जाब्रबथाइफोरनि अलख 'दआबो हरखाबै बांदौं। फारसेथि दिल्लीनि सुबुंफोरव दानसे गात्रि बारनि जाहोनाव जिगायाव गोलैदौं। बेगफरसे गुसुआ गावनि गोहोमखौं दिन्थिगासिनो दड। मिरुआरि आबहावा कन्ट्रल

खालामग्रा बर्ड (सिपिसिबि) नि बायदिब्ला, शनिबार फुडव दिल्लीयाव बारनि गुणआ जोबोद गात्रि थाखोआव दिखांजादौं। दिल्लीजौं लोगोसे गासै सा भारतयाव गुसुयाव आगान होफैबाय। लाश्रियै दावख्लायनाय बिदुनि जाहोनाव गुसु बोथोरा जागायदौं। बेनि गेजेरजौं बोथोर बिफानआ डिसेम्बर दानाव बिदुडा 2-4 डिग्रि सेल्सियाससिम सौहैनो हागौ होन्ना गनायना लादौं। फारसेथि हाजोफोरव बरफ गोलैनाया सोलिगासिनो दड'। जम्मु-काश्मीर, उत्तराखान्ड आरि हिमाचल प्रदेशयावबो माखासे जायगाफोराव बरफ गोलैगासिनो दड'ब्ला माखासे



फेनो गोनां समाव स्पेस टेक्नल 'जी सेक्टरनि थाखाय बेयो बान्जयाजाथाव फोरमान जागोन। मानोना बायमिथेन पिउलखौं जायगायावनो बानायनो हानाय जायो। मख 'जाथावदि, बायमिथेन पिउलआ इक' फ्रंन्टली जानायजौं लोगोसेनो बेसेन खमबो। बायगेसआव 75 जौखोन्दो मिथेन गेस थायो, जाय उखुन्दे गबोआजासे अर जोडो। फारसेथि बेनिफ्राय कार्बनबो ओंखारा आरो अखांमा मिशनआव बाहायजानाय पिउलआ रेखा जानायव रांखांथियावबो मुलाम्फा जागोन। दाबि देखानाय जाबावदौंदि, मोसौ गाइनि गोबोरिखिया निउक्तिार रेडिएसनखौंबो खम खालामो। बोथोर सोलायनायनि जेनाखौं नोजोर होनानै बेयो इयुनआव एनार्जीनि गिदिर फुंखा जानो हागौ। रकेटखौं अखांमायाव

आलिपुरद्वार डिभिजनआव सिगनेल आरि टेलिकम खामानि
 इ-डेव्लर फोसावथाय नं: एम एनडि, एफिडि/27 आरि एम एड टि.एफिडि/28। अक्ट: 07-12-2023। गानायनोम खामानि थाखाय इ-डेव्लर संस्थापन। फारि नं-1: डेव्लर नं: एफि-एडि-27-2023-24। खामानि नं: सामकला रा-नौतार डिभरकर (पी) 36.586 कि.मि: (एम एड टि.एफिडि) नं: 65,200 रं। डेव्लरनि बेसेन: 32,59,975 रं। अरिफि नं: 65,200 रं। फारि नं: 2: डेव्लर नं: एफि-एडि-28-2023-24। खामानि नं: आलिपुरद्वार जंशन डिभिजननि थाखायकटिब एक्टिविटीस वाइड (एम एड टि.एफिडि) नि सिक्क डिप्लोमा विभांखिनि आरि थायान एम एड टि.एफिडि। फोसावथाय डेव्लरनि बेसेन: 11,96,408 रं। अरिफि नं: 23,900 रं। डेव्लरनि जेवनायनि जेवनाय सम आरि अक्ट: 29-12-2023 नि 15:00 रिश आरि 29-12-2023 अरि जागायगोन। बांफिनि मिबथिनो थाखाय www.ireps.gov.in वेबसाइटवाय वाय।
 सिगनेल डिप्लोमा, आलिपुरद्वार जंशन
सा-सान्जा सिमाना रेलवे
 मिमिलुनायखौं आरकमेवनि सिबिथाय

उरां सान्थिफोरा तेजासनि गोदान खाबु मोन्नो थांगासिनो दड'



गोदान दिल्ली, 9 डिसेम्बर: 2023 आ थाबैतो जोबना थांसिगोन। बेनि गेजेरजो गोदान बोसोराव उरां सान्थिफोरा तेजास फाइटर जेटनि गोदान खाबु मोन्नो थांगासिनो दड'। भारत हादतयानो बानायनाय दावहारु उरां जाहाजआ सिगांनिखुइ गोहो गोरसिन जागोन। गोदान तेजासआव बांसिनै गोदान मुगानि हाथियारफोर थागोन आरो साबसिन नोजोर होनायनि गोहो थागोन। सुलुडाव फोरमायनाय बायदिल्ला, उरां

सान्थिफोरा गिबि तेजास मार्क 1 एखौं 2024 नि फेब्रुवारीयाव मोनहैसिगोन। गोदान तेजासजो लोगोसे हिन्दुस्तान एयरनटिक्स लिमिटेड एबा एडिएएलआ गावसोरनि दिहुन्नाय गोहोखौ बांहोनानै बोसोराव गं 24 था एयारक्राफ्ट खालामनो थांगासिनो दड'। बेजो अखामा सान्थिफोरनो जेट गथायनायनि गोखैथियाबो बांनो हागोन। एडिएएलआ गासै गं 180 जेटफोरनि अर्डा

मोन्दो। रैखाथि बिफानआ थांनय 2021 नि फेब्रुवारी दानाव गं 83 था तेजास मार्क 1 एनि अर्डा होदोमोन। बेनि बोसोर उनाव थांनय 30 नभेम्बरवा रैखाथि बिफानआ उप्रायै गं 97 था तेजास मार्क 1 एखौ अर्डा होयो। आथिखालाव भारतीय उरां सान्थिफोरा तेजास फाइटर जेटफोरखौ गोसो गुदुडै नेगासिनो दड'। अखामा सान्थिखौ गोहो गोर

खालामनायनि नैथि थांखियानो तेजासजो लोब्बा गोनां। हादतयानो बानायनाय एयारक्राफ्ट जानायनि जाहोनाव बेयाव साबसां होनाय आरो गोदान तेकनिकखौ सोफानाया जोबोद गोरलै। तेजास मार्क 1 एयाव गोजाम तेजासनि रुजुनायाव 43 जौखोन्दो साबसां होदो। बे बोसोरनि अक्टबर दानाव एडिएएलआ अखामा सान्थिनो तेजास मार्क 1 एनि गिबि ट्रेनाखौ गथायो। फेगो बोसोरनि फेब्रुवारी दानाव अखामा सान्थिआ गिबि फाइटर जेटफोरखौ मोनहैगोन। तेजास मार्कयाव एडिएएल रडर दड'। बेनि जाहोनाव जेटखौ गोरलैयै सिनायनो हायो। बेनि सिस्टेमखौ खालामनाया गोरलै नडा। बेयाव मिड एयार रिस्पुलिनि साबसिन सुबिधा दड'। बेयाव बाराव गावग्रा गोलाव जान्थाइनि मिसाइलफोर लगायनाय जादो। □

भारतनि जौगाखांनायखौ मुलुगनो दिन्थिनाया गोनांथार: एस जयशंकर



दुबाइ, 9 डिसेम्बर: भारतनि गुबुन हादरयारि मन्थि एस जयशंकरआ दुबाइआव भारतयारि फरायसाफोर, लाइमोन फालांगिरिफोर आरो साखि मावग्रा सुबुंफोरजो लोगो हमदो। बे समाव गुबुन हादरयारि मन्थिआ गुबुन हादरआव थाहैग्रा भारतयारिफोरनियाव आर'ज गाबदो, जाहाथे बिसोरो मुलुगानि सिगाडव हादरनि जौगाखांनायनि सावगारिखौ दिन्थियो आरो मुलुगनो भारतआ माबोरै आवगायदो आरो माबादि सोलायनाय फेदो बेफोरखौ दिन्थियो। गुबुन हादरयारि मन्थिआ बुंदो, गाहाइ मन्थि नरेन्द्र मदिआ

दिने भारतखौ जौगाखांनायनि समायखिरा लानानै दावबायनायाव बाहागो लागोन। बे थांखिनि गेजेरजो हादरनि नोगोरारिफोरनो थांनय 10 बोसोराव जौगाखांनायनि सोमोन्दै खौरं होनाय जागोन। लोगोसेनो

हादरआ मा प्रेस खालामदो बेनि सोमोन्दै मिथिहोनाय जागोन। जेब्ला जों भारतखौ जौगाखांनायनि बाश्रा सावरयो अब्ला जों गोदान भारतनि सोमोन्दै बाश्रा सावरयो। गुबुन हादरयारि मन्थिआ बुंवावदो,

जेब्लानो नोंथाड बे गासैबो स्लगाखौ गनायो अब्ला नोंथानि थाखाय मुलाम्फा गोनां जायाबो जानो हागौ, बे मुलाम्फाखौ बै सुबुंफोर मोनगोन, जाय थारैनो बेनि गोनांथि जादो। नाथाय बेनि नैथि थांखिबो दड। बेनो जादो चन्द्रयान मिसन, बयनिखुइ गोखैयै 5 जि टेक्निकखौ भारतआव सोलिहोगोन, कभेक्सिन बेखौबो भारत जौगाखांनायनायो बानायदो। बियो बुंवावदो, बे गासैबो बाश्राफोरखौ मिथिनाया गोनांथार जर'खा महरै बै सुबुंफोरनि थाखाय, जाय गुबुन हादरआव फरायहैयो। □

कर्णाटकआव पेट्रोल-डिजेलनि बेसेनआ बांनो हासिगौ

बेंगलुरु, 9 डिसेम्बर: कर्णाटकनि गिबि मन्थि सिद्दार्थमैयानि दैदनाय सरकारआ राइज्योनि मोनसे गिदिर सुबुं अन्जिमानि देहाखौ गाहामै लाखिनो थाखाय गिदिर थांखि लादो। बे थांखिनि गेजेरजो आथिखालाव निखावरिफोरनि गाहाय थाखोनि सुबुंफोरनो हेल्थ इन्सुरेन्सि सिबिथाय जगायनानै होनो थाखाय जाय थांखिखौ लादो, बेनि सायाव फारफोमबो गोबां सावरायनाय जादो। आथिखालाव बे थांखिआ बेनिखायनोबो खौराडव थादो, मानोना बेनि जाहोनाव राइज्योआव पेट्रोल-डिजेलनि बेसेनआ बांनो हागौ। मख'नो गोनांदि, राइज्यो सरकारआ निखावरिफोरनि गाहायसिन

थाखोनि बिपिएल बाहायग्रा सुबुंफोरनि थाखाय साबसिन गाहाम देहा सिबिथायखौ जगायनानै होनो राइज्योआव फान्जानाय पेट्रल आरो डिजेलआव 50 फेसानिफ्राय 1 रंसिम बांहोनायनि सायाव सावरायदो। गोहोम गोनां टेक्सजो बोसोरफोमबो 1200 कौटि रंसिमफ्राय 1500 कौटि रंसि रंभिनड बोखानो हानायनि आसा दड, जायजो कर्णाटकनि बिपिएल बाहायग्रा सुबुं अन्जिमानो हेल्थ इन्सुरेन्स जगायनायाव गोलै जागोन। मिडिया रिपोर्टनि बादिब्ला, लेबार मन्थि सन्तप लाडआ बुंदो, टेक्सखौ बांहोनायजो राइज्योनि बाहायगिरिफोरनि सायाव सरासन्ना गोहोम गोलैगोन।



50 फेसानिफ्राय 1 रं बांनया बाहायगिरिफोरनि सायाव जेबो गोहोम गोलैनाय नडा। लोगोसेनो सुबुंफोरनि हेफाजबजो निखावरिनि गाहाय थाखोआव थांनय सुबुंफोरनि फाहामथाय होनायाव मदद मोनगोन। राइज्योआव निखावरि गाहायसिन थाखोआव थांनय सुबुंफोरनो बे

रोखोमै जों 25 लाख रंसि हेल्थ कबारेज होनो हागोन। सरकारनि बेयजनाय गेजेरजो 1 कौटि 80 लाख बिपिएल कार्ड बाहायगिरिफोर 25 लाख रंसि हेल्थ कभारेजखौ मोनगोन। बेबादिआव राइज्योनि लेबार डिपार्टमेन्टआ सरकारनो बेबादि थांखिखौ गथायनायनि सायाव खामानि मावगासिनो दड। □

मिरु सरकारआ जाग्रा आदार आरो सिनिनि थाखाय फाथो पेकेजिनि मानदान्दाखौ गनायथि होबाय

गोदान दिल्ली, 9 डिसेम्बर: मिरु सरकारआ जाग्रा आदारफोरखौ पेकि खालामनो थाखाय बोसोरफोमबो गासै 12,000 कौटि रंसि फाथोनि बस्टा बायो। बेनि गेजेरजो मिरुआरि मन्थि मन्डला थांनय शुकुबारखालि फाथोखौ 2023-24 नि थाखाय गोनांथार पेकेजि मानदान्दाफोरखौ गनायथि होयो। गोदान नेम-खांनिफोरनि गेजेरजो 100 जौखोन्दो जाग्रा आदार आरो 20 जौखोन्दो सिनिखौ फाथोनि बस्थाफोराव पेकि खालामनायनि गोनांथि जासिगोन। खौरांनि बायदिल्ला, बे थांखिजो फाथोनि मिलफोर आरो हेफाजाबगिरि इजिनटफोराव खामानि मावग्रा पसाख लेभारफोर रेहाय मोन्नायजो



लोगोसे गासै 40 लाख आबादारि नख'रफोरा मदद मोनगोन। बोसोरनि पेकेजि आरो फाथोनि बस्टाखौ बायनो थाखाय निउज पर्टेलाव पि-2 फर्मखौ सरजाबदो। खौरांनि बायदिल्ला, मोनसे मावख'यारि फोसावदिडाव बुंदोदि, बे थांखिजो भारतआव गोथां फाथो आरो

पेकिजि मुवा-बेसादखौ रिजाभिशरनि गेजेरजो हादतयाव दिहुन्थाइ गोथां फाथोनि गासै 65 जौखोन्दो आंखाल जायो। बे थांखिजो आबहावावि राखाथियावबो मदद मोनगोन। बांग्लादेश आरो नेपालनिफ्राय लाबोनाय फाथोनि सायाव एन्टेरो डिप्टि डिडिउखौ बोसोरनि थाखाय फोसावदो। □

भारतनि संरवान्थि जौगानाया गासै मुलुगानि जौगानायजो लोब्बा गोनां: नरेन्द्र मदि

गोदान दिल्ली, 9 डिसेम्बर: गाहाइ मन्थि मदिआ लालकिल्लाआव खुंनय गिबि भारतयारि आरिमु-बस्तुकला आरो डिजाइन बिइनिएल (आइएएटिबि) 2023 खौ बेखेवनानै होयो। बे समाव बिथाड बुंदोदि, जेब्ला भारतआ मुलुगानि देरसिन रंखांनिथि बेबस्था महरै जाखांबोगासिनो दड, अब्ला बेयाव बयबो गावनि थाखाय साबसिन इयुनखौ नुहरनो हागौ। गाहाइ मन्थि मदिआ बुंवावदोदि, भारतनि रंखांनिथि बांनया गासै मुलुगानि जौगाखांनायजो लोब्बा दड आरो गावनि आथिडाव गसंथानाय भारत दानायनि भिजनआ गोदान खाबु लानानै फेदो। गाहाइ मन्थि मदिआ बुंवावोदि, बिथानि सरकारआ मुलुगनां



हारिमुवारि हाबाफारिखो फसंथानयारि खालामनो आरो भेनिस, लन्डन एबा साअ पाउल' बायदि सहरफोराव बेबादिनो हाबाफारि खुंनयफोरनि थाखोआव मोनसे गोदान मुगानि हाबाफारि जौगाखांनायनि खामानि मावगासिनो दड। गावनि बिबुंथियाव मदिआ बुंवावोदि, बेबादि हाबाफारि खुंनयफोरखौ मुलुगानि माखासे सहरफोराव बेबादिनि हाबाफारिफोरनि महराव मुलुगनां सिनायथि मोन्नांगौ। बिथाड

मडानांइजेसननि बिदिन्थि होनानै बुडोदि, भारतयारि आरिमु आरो बस्तुकलाजो लोब्बा गोनां जायगाफोरखौ जौगाखांना होनो थाखाय गोमगनाय सन्दांथिजो गोबां खामानियाव आत्मनिर्भर भारत सोलिगासिनो। गाहाइ मन्थि मदिआ बुंदो, भारतनि गुबुन गुबुन बिरासत आरो आंगो हारिमुआ गासै मुलुगानि गोसो बोनो हायो। जेब्ला मुलुगनाडै भारतनि रंखांनिथि आर्जिनारनि सायाव सावरायनाय जायोमोन, बै गोमगाथाव जारिमिनखौ गोसोखांनानै गाहाइ मन्थि

मदिआ बुडोदि, बेयावनि हारिमु आरो बिरासतआ दिनेबो मुलुगनाडै दावबायारिफोरनि गोसोखौ बोनो हायो। बे हाबाफारिआव मदिआ लाल किल्लाआव आत्मनिर्भर भारत सेन्टर फर डिजाइन आरो स्टुडेन बिएनले-समुन्तिखौ बेखेवनानै होयो। बिथाड मोनसे माइलस्टन डाक टिकेट टखौबो लन्च खालामो। गासै 7 साननि हाबाफारिजो आइएएडिबिआ 9 डिसेम्बरनिफ्राय 15 डिसेम्बरसिम नोगोरारिफोरनि थाखाय खुला थागोन। □

मदिआ बुडोदि, बेयावनि हारिमु आरो बिरासतआ दिनेबो मुलुगनाडै दावबायारिफोरनि गोसोखौ बोनो हायो। बे हाबाफारिआव मदिआ लाल किल्लाआव आत्मनिर्भर भारत सेन्टर फर डिजाइन आरो स्टुडेन बिएनले-समुन्तिखौ बेखेवनानै होयो। बिथाड मोनसे माइलस्टन डाक टिकेट टखौबो लन्च खालामो। गासै 7 साननि हाबाफारिजो आइएएडिबिआ 9 डिसेम्बरनिफ्राय 15 डिसेम्बरसिम नोगोरारिफोरनि थाखाय खुला थागोन। □

एनएडसआरसिआ मणिपुर सरकार आरो पुलिसनो नटिस फोसावदो



गोदान दिल्ली, 9 डिसेम्बर: एनएडसआरसिआ तेंनोपाल जिल्लानि लिनु गामियाव गुलि गावनायाव खमैब्लाबो सा 13 सुबुंफोर थैनाय केसनि सायाव शुकुबारखालि मणिपुर सरकार आरो राइज्योनि पुलिस गाहाइनो नटिस फोसावयो। एनएडसआरसिआ मोनसे बिबुंथियाव बुडोदि, बे जाथाया आयेन फोसावग्रा एजेन्सिफोर आरो राइज्योयाव गोजोन आरो आयेन बेबस्थाखौ रोखा खालामनो थाखाय थिसन्नाय रैखाथि हान्जाफोरनि फारसेनिफ्राय मोनसे गिदिर इसारा होयो। बिबानगिरिफोरनि बायदिल्ला, सुबुंथि आयगआ बुंनय बायदिल्ला, बे बोसोरनि मे दानाव मणिपुर राइज्योआव जेंना सोमजिनानयनि उननिफ्राय गोजोन सोमजिनानय मोनसे ओन्सोलाव सा 13 सुबुंफोरनि जिउ गोमानाय जाथाया जिंगा सिथाव। सुबुंथि मोन्थाइ आयगआ मोनसे मिडिया रिपोर्टयाव मणिपुरनि टेंनोयाव गुलि गावनायाव खमैब्लाबो सा 13 सुबुंफोर थैदो। बे जाथाया गोब्राबै

थांनय 4 डिसेम्बरवा जादोमोन। आयगआ मोन्नाय बे मिडिया रिपोर्टआ जुदि सैथोब्ला बेयो थारैनो जिंगा सिथाव। बेनि गेजेरजो राइज्योनि गाहाइ सेक्रेटारि आरो पुलिसनि गाहाइ बिथोनगिरिनो नटिस फोसावनानै फिन्नाय

बिनाय जादो। बिबुंथियाव सप्ताहनेनि गेजेराव मोनसे गुवार रिपोर्ट होनाय जागोन। लिनु गामिया तेंनोपाल जिल्लायाव दड'। मणिपुराव दाडबाजि जानय समाव बे ओन्सोलाव गोहोम गोरलैयाखैमोन। तेंनोपाल जिल्लानि सिन्नाया म्यान्मारजो नांजाबो। बे गामियाव जेबो सोमोन्दो गोनां लामा गैया आरो उतखारि हान्जाफोर सम-सम म्यान्मारवा थांनो थाखाय बेखौ बाहायो। लिनु गामिजो म्यान्मारनि सिन्नाया 15 किल'मिटर गोजान। □

सरकारआ बाइड बेसेनआव सना बायनायनि खाबु होबावसिगोन

गोदान दिल्ली, 9 डिसेम्बर: सरकारनि फारसेनिफ्राय बाइड बेसेनआव सना बायनायनि खाबु होबावसिगोन। सरकारआ बे दानआवनो सभारेन गल्ड बन्ड (एसजिबि) नि मोनसे किशितखौ फोसावगोन। बेनि उनाव फेब्रुवारि दानआव नैथि किशितखौ फोसावनाय जागोन। रंखांनिथि बिफाननि फारसेनिफ्राय फोसावनाय बिबुंथियाव फोरमायोदि, 2023-24 नि सिरिज-3 आ बे दाननि 18-22 अक्टआव खुलिगोन आरो सिरिज-4 नि थाखाय



फेब्रुवारिनि 12-16 अक्टखौ थि खालामनाय जादो। बेनि गिबि सिरिजआ थांनय जुन दाननि 19-23 अक्टनि गेजेराव आरो सिरिज-2 खौ सेप्टेम्बर दाननि 11-15 अक्टनि गेजेराव खुलिदोमोन।

बेबन्ड फान्नायखौ बैंक, स्टक हलिड कपरिसन अफ इन्डिया लिमिटेड, पस्ट अफिस आरो शेयार बाजारफोराव बिएसइ आरो एनएसइनि गेजेरजो खालामनाय जागोन। सिगांनिफ्राय सोलिबोबाय थांनय सना

दाबिनायखो खम खालामनो आरो नख'रि सेभिंसनि मोनसे बाहागो महरै गल्ड बन्डनि फान्नायखौ बयनिखुइ सिगां 2015 नि नभेम्बर दानआव जागायदोमोन। गल्ड बन्डनि मेस्युरिडि पिरियडआ 8 बोसोर जागोन। नाथाय बेखौ बोसोरबा आबुं जानायोब्ला दिहुन्नायनि अप्सनबो थागोन। बे बिथांखिनि गेजेरजो नोंथाड खमैब्लाबो 1 ग्राम सनायाव इन्भेस्टमेन्ट खालामनो हागोन। बेनि अनगायै बांसिनै 4 कि:ग्रा: सनायाव इन्भेस्टमेन्ट खालामनो हागोन। □

भारतयारि बाजारफोराव चीननि नकलि सामब्राम गुफुरखौ फानगासिनो दड

गोदान दिल्ली, 9 डिसेम्बर: नकलि मुवा-बेसाद थियारि खालामनायाव जाफुसारनो हानाय चीनआ आथिखालाव नकली सामब्राम गुफुरखो थियारि खालामगासिनो दड। बे गासै केसखौ लानानै बावैसो सिगां मोनसे भिडिआआबो भाइरेल जादोमोन, जेवच चीननि नकली सामब्राम गुफुरखौ लानानै फोरमायदोमोन। मार्केटआव फान्नाय बे नकली सामब्राम गुफुरखौ माखासे न'फोराव जागासिनो दड। बेयो नुनायाव जोबोद गुफुर आरो समायना जायो। नाथाय बेयो देहानि थाखाय जिउ फोजोवसांग्रा महरै फोरमान जानो हागौ। बेयाव नालानि दै सारनाय जायो। जाहाथे बेखौ लिड आरो गुबुन मेटलनि गेजेरजो थाबैनो थियारि खालामनो हायो। बेराफारस गुफुरखौ बांहोनो थाखाय



क्लरिनजो ब्लीच खालामनाय जायो। बेनि गेजेरजो आमेरिकानि सासे सिनेटरआ चीननिफ्राय सामब्राम गुफुर लाबोनायनि माहारियारि रैखाथिनि सायाव गोहोमखौ सरकारि नायबिजिनो दाबि दैखांदो। रिपब्लिकान सिनेटर रिंक स्कटआ फालांगियारि सेक्रेटारिनो लाइजाम लिहरनानै चीननि सामब्राम गुफुरआ रैखाथि गैया होन्नानै दाबि दैखांदो। चीनआ मुलुगानि बयनिखुइ देरसिन ताजा आरो गुसु सामब्राम गुफुरखौ गुबुन हादरआव दैथाय हरया आमेरिकाआ बेनि गाहाइ बाहायग्रा। नाथाय बे फालांगिआ माखासे बोसोरनिफ्रायनो जेंना

गोनां जादो। आमेरिकआ चीननि सायाव खम बेसेनआव सामब्राम गुफुर बाजारआव इम्पर्ट खालामनायनि दाय जाबसिन्दो। 1990 माइथायनि गेजेरनिफ्राय बिसोर आमेरिकानि दिहुन्थायफोरखौ बाजारनिफ्राय बाइजो जानायखौ होबथानो थाखाय चीननि गुबुन हादरनिफ्राय लाबोनायनि सायाव गोबां टेक्स जाबसिन्नानै होयो। थांनय 2019 आव ट्रम्प खुंथायनि समाव बे टेक्सखौ बांहोदोमोन। सिनेटर स्कटआ सामब्राम गुफुरनि गुबुन रोखोमफोरनि सोमोन्दैबो गुवारै फोरमायदो, जायनि सायाव नोजोर होनाड। □

मैदेरनि सुन्दाइआ मानो एसेबां गोलाव जाबोदों बेनि जारिमिनआव थाखोमानाय मिथिनो गोनां रहस्य

मु लु ग आ व सोमोनांथाव महरनि जिब-जुनातफोरनि आंखाल गैया। जौनि गोबाडानो मुलुगनि खावसे जिब-जुनातफोरखौ नुफेराखै। जायफोरनि बागै खोनायोब्ला आरो टिभि-मबाइलफोराव नुयोब्ला सोमोनाय मोनो। बिबिदो मैदेरनि माखासे जर'खा सरासन्हा सुबु'फोरखौ सोमोनांहोयो। बेफोरनि गेजेराव बेनि गोलाव सुन्दाइआनो सोमोनांथावसिन। बेनि दाथाय आरो बाहायजानाया बिगियानगिरिफोरखौबो सोमोनांहोयो। मैदेरनि सुन्दाइनि थाखाय बेनि सायाव जर'खा सार्भे खालामनाय जायो। मोनसे स्टाडिआव मैदेरफोरनि जौगाखांनय सल'खौ सोराडव लाबोनानै बिगियानगिरिफोरा मिथिनो मोन्दोदि, बेफोरनि जाग्रा आदारनि जर'खा हुदाफोराव सुन्दाइनि मा आरो मा बायदि बिफाव दड'। इलाइफाव सेबखांनय स्टाडिआव बिगियानगिरिआ बेनि सुन्दाइआ मानो एसेबां गोलाव जायो बेनि रहस्यखौबो सुखांदों। मैदेरनि गोलाव गन्थखौ सुन्दाइ बुडे, जायखौ बेनि अनगायै गुबुन जुनातफोरनाव मोन्नाय जाया। सुन्दाइआ मैदेरनि जिउआव जोबोद जर'खायै आरो आलादा रोखोमै बाहायजायो। मैदेरनि सुन्दाइआ एसेबां गोलाव



जाबोनायाव लाख-लाख बोसोर सम नांदों। बेनि गुन्थुआ आगुआव गोलावमोन जाय बेनि सरासन्हा सुन्दाइआ लावबोनायजौ लोगोसे फिसा जाबोदों। बेबादिनो सुन्दाइनि जौगाखांनयखौ लानानै संदानगिरिफोराबो संदानयाव मोनसे मख'जाथाव आयदा जाबोदों। स्टाडिआव बिथामोनाहा गोजाम मैदेरबादि जुनातफोरनि हान्जाखौ नायबिजिरो जेराव प्लेटिबेलडनआबो दंफायोमोन। जाय बुहुमआव जागायजेन्नायनिफ्राय गेजेर मियसिन मुगायाव गिदिलाबायनानै थायोमोन। 2.3 कौटि बोसोर सिगांनिफ्राय 50 लाख बोसोर सिगांसिन बे

मुगायाव मुलुगनि बोथोराव सोलायनाय नुनो मोन्दों, जायजौ मुलुगनां थाखोआव गुसु बिदुं सोलितोंमोन। बेयो बे सममोन जेव्हा गोदान मुगानि मैदेरफोरनि आगुनि जौलैआव गोखे सोलायनाय नुनो मोन्दों आरो बे सोलायनायखौ जर'खायै बेनि गन्थनि दाथायाव नुनो मोन्दोंमोन। बेजौ लोगोसेनो बेनि बिगुर आरो हाथायफोरवबो सोलायनाय फेदोंमोन। बिगियानगिरिफोरनि गनायथिनाय बादिब्ला, बेफोर सोलायनाया हरखाब जानानै फेनायनिखुइबो बांसिमोन। बेनि सोलायनायाव बिसोरनि जानाय - लो'नायनि आदबफोरवबो गिदिर आरो जर'खा सोलायनाय नुनो

मोन्दोंमोन। जैरैनो आबहावाआव सोलायनाय फेयो एरैनो गिदिर-गिदर गांसे बारिफोरा सोमजिखाडे आरो बेफोरगिदर जुनातफोर गावसिन गुन्थुनि बदलै सुन्दाइखौ बांसिनै बाहायनो हमो। बिगियानगिरिफोरा संदानानै मोन्दोंदि, ग्रहआ गुसुसिन जालांबाय थादों। मोनसे समाव बांसिनै बाहायग्रा गोलाव गुन्थुनि आरो हाथायफोरनि जायगायाव गुबुन गुबुन बाहायजाग्रा सुन्दाइआ बाहायजायो। बिगियानगिरिफोरा आबहावा आरो बोथोरनि गोहोमआ माबोरै जिब-जुनातफोरनि सोलेरारि दाथायफोरखौ सोलायहोबोदों आरो माबादि गोहोम होदों बेफोरखौबो नायबिजिदों।

खेल रत्ननि थाखाय स्मृति-निकतजौ लोगोसे सा 55 गेलेगिरिफोरा आर'ज लाइ होदों



गोदान दिल्ली, 9 डिसेम्बर: हंजौ एसियान गेम्सआव मोजाडे जाफुंसारनायनि उनाव मुंदांखा गेलेगिरिफोरा हादतनि जौसिन गेलेमु मान बान्था मेजर ध्यानचन्द बान्था देरहागोननि मिजिंथि लादों। बे खेबआव गुबुन समफोरनिफ्राय बांसिन सा 55 गेलेगिरिफोरा खेल रत्न बान्थानि थाखाय आर'ज लाइ गथायदों। बे बान्था देरहागोननि दाबिथाइयाव एसियान गेम्सआव सनानि मेडेल देरहानाय आइजो क्रिकेट टीमनि सोद्रोमा स्मृति मन्थना, वर्ल्ड कापनि फाइनालाव चैस गेलेगिरि आर प्रज्ञानानन्द, बक्सर निकत जरिन, पेरा एसियाडआव सनानि मेडेल

देरहानाय आइएसए हलडार सुभाष एलवाइ, टेनिस गेलेगिरि रहन बपनाआबो दंफायो। बेनि उनाव अर्जुन बान्थानि थाखाय भारतीय क्रिकेटफोर गोबांसिन आर'ज लाइ गथायदों। सा 10 क्रिकेटफोरा बे बान्थानि थाखाय आर'ज गावदों। सुप्रिम कर्टनि जास्टिस एएम कानिवालकारनि दैदेनायाव सा 12 सोद्रोमानि कमिटिआ नेसनेल खेल रत्न बान्था देरहागिरिफोरखौ फेगौ सप्ताहआव सायख'गोन। थांनय बोसोराव खेल रत्ननि थाखाय सा 15 गेलेगिरिफोरा दाबि दैखांदोंमोन। नाथाय सोलिफु बोसोराव बेनि अन्जिमाया बांफेदों। बे बान्थानि

थाखाय आर'ज गाबनायनि फारियाव एसियान गेम्सआव गंथाम सनानि मेडेल देरहानाय आर्चर जति सुरेका, अभिषेक भर्मा, हंजौआव 3000 मिटर स्टेपल रेसआव सनानि मेडेल देरहानाय अभिनाष चाब्ले, लान्थियै 2थि खेब एसियान गेम्सआव सनानि मेडेल देरहानाय तेजिन्दर पाल सिं, शटलर एसएस प्रनय, सात्विक साइराज रेनकेरुडि, सिराग चेट्टि मोनहाबो फारियाव दड'। बिसोरनि अनगायैबो माखासे गोजौ थाखोनि भारतीय गेलेगिरिफोरा बान्थानि थाखाय आर'ज लाइ गथायनायनि फारियाव दंफायो। थांनय बोसोराव सा 25

गेलेगिरिफोरल' अर्जुन बान्थानि थाखाय आर'ज लाइ गथायदोंमोन। जायनि फारियाव सिमा पुनिआनि अनगायै अभिनाष चाब्ले, निकत जरिन, अमित पंघालनि अनगायै एडसएस प्रनय, आर प्रज्ञानानन्द, नयनमनि शङ्कियानि अनगायै दिफ बेटमिन्टन गेलेगिरि जार्निल आनिकायाबो फारियाव दडमोन। बिसोर गेलेगिरिफोरा बे खेबआवबो खेल रत्न बान्थानि थाखाय दाबि दैखांदों। आइजो हकि टीमनि केप्टेन गलकिपार सभितानि अनगायै भन्धना, मनिका, पेरा टेबल टेनिस गेलेगिरि बाब्लिन पाटेलआबो खेल रत्न बान्थानि थाखाय दाबि दैखांदों। थांनय बोसोराव रवबो क्रिकेटफोरनो अर्जुन बान्थाखौ होनाय जायाखैमोन। नाथाय बे खेबआव सा 10 गेलेगिरिफोरा बे बान्थानि दाबि दैखांदों। जायनि फारियाव एसियान गेम्सआव सनानि मेडेल देरहानाय केप्टेन ऋतुराज गाडकवाड, अर्सेदिप सिं, शिभम दुबे, आभेश खानजौ लोगोसे खोला आफ्रिकासिम दावबायफानाय जितेश शर्मा, ऋषा घस मोनहाबो फारियाव दंफायो।

रंजालि गथ'फोरनि सौरा

नों रजेनिफ्राय अन्नाय मोनैयाव

मुस्त्रि प्रफात बर'

लिरबाय आं गोबां लाइजाम नों रजेनिसिम..... आनि गोसो गोरबोनिफ्राय अन्नाय फोरमायना, आं नोंखौ मोजां मोनो आं नोंखौ गोसो थोयो। नाथाय माथो सानखो, माथो माखो स'ना? आनि नोंखौ मोजां मोनयाव आनि नोंखौ गोसो थोनायाव। दिनेसिमबो लाइजामनि फिन्नाय गैया मानोय नों रजेनिफ्राय..... लाइजामनि फिन्नायखौ मोनगोन सान्नाई नेबाय दं आं दाबोनि स'ना, नों रजेनिफ्राय..... आनि बे अबथिरा जिउखौ लानानै। अन्नाय गैया नोंहा मानो? अन्थाय बिखा नोंनि बिखाया मानो? गोसोया जायो आनि स'ना बे मुलुगाव थांनो थासन्दे नोंजौनो रुजु-रुमु संसार जालानो, नों रजेनिफ्राय अन्नाय मोनोब्ला। नाथाय गासैबो फेमालसो जासिगोन नामा? आनि गोसोनि सान्नायफोरा, लाइजामनि खोथा लाइजामावबो थाबाय स'ना नों रजेनिफ्राय फिन्नाय मोनियाव, गोरबोनि राव गोरबोयावबो थाबाय स'ना नों रजेनिफ्राय अन्नाय मोनियाव।

बाइफलेनाय मिजिं

- पुष्पा कुमार ब्रह्म कक्राझार

फागुनि जावलिआ बारजौ बुसोम जानानै मॅनाय देहाखौ लानानै आगान सुरलांदोंमोन रजे, आं नोंखौ लोगो हमनो होनानै, बै जिउनि लांगोनायाव। नाथाय दिने आं अननो रोडे फागुनि जावलिआ बारजौ बुखार लांजाबाय रजे नोंनि बेसेबांवा गोजानाव। जाखौ फेयो दाबो रजे, नोंनि मिनिखैरो मिनिनाइआ सिमां मोकथां साया-माया आनि साखाथियाव। हांमा थाबाय रजे, नोंखौ लोगो मोनैयाव दाहा थाबाय रजे नोंखौ नुयैआव। माबोरै बावरो रजे, नोंनि बे दावखौआनि बायदि गोदे गारांजौ राइन्नायनायखौ। बे जोनोमाव गैया रजे, बै जोनोमाव नोंखौनो अराय समनि थाखाय, नेनानै थाबाय थागोन आं रजे जिउनि लांगोनायाव।

दासान नों अनजालु

- फुन'बर'

दासान नों अनजालु आंखौ अनजालि होनानै, साननानै दा ला नों अनजालु आंखौ गावनि असे होनानै। अनजालु, आं नोंनि अननायखौ नागारनो हाया, थेवबो आं नोंनि आंगोनि जानो हाया। नों जाबाय हाग्रानि मोसा आं जाबाय न'निनो दावसा, हाजौ अखांजौ गोरबोनाबो जेव्हाबो नड थामसा। गाबोननो आं नोंनि असे जागोन खैफोर समाव सोर नायफिनगोन? फागुनि जावलिआ बारा बुसोमगोन अब्ला आंखौ सोर बोखांगोन? दासान नों अनजालु आंजौ मोजां मोननायनि खेला गेलेनो। आंथ' गांसेबो लाइजाम हराखैमोन नाथाय नों.....नों गामियाव माबोरै बदनाम होखो? आंखौ मोजां मोनो होनानै। हाबाब! दासान दासान अनजालु नों आंखौ मोजां मोनो होनानै, नों मिथिया नामा मोजां मोननाया खेला नड होनानै नाथाय, नाथाय नों हारनि थाखाय मोजां मावनो ना आंखौसो नोजोर होनो? दासान नों अनजालु.....।

बिदायनि समाव खनसे गोसोखांनानै

- रमेन रामसियारि बाक्सा, बि टि सि

मोफ्लामगासे जिउखौ लाना जोनोम मोनबाय आं बायलुं देरायाव बे भावथिना सालि बुहुम बिखायाव। गैयामोन गोसोआवबो लुबैनाय नाथाय हायाखैसै अराय सम थावरिनो दुथांफोरनि फाव फान्दायनायाव, जालांबाय बायलुं देरायावो थेर-बेथेर मोखां सोमखे महरैब्लाबो फोथैआखे बर' फिसाखौ नों बिमाया। नों बिमानि हाजिखावनायाव बोदोर गोसो आनि ओंखारबोबाय दावहानि थिलियाव बर' बिमाखौ अराय सम हेफाजाब होनो। गावनि देहा जिउखौ बावसोमनानै नाजादोंमोन उदखारिखौ फोजोबसांनो, नाथाय गैया गावजौ-गाव खौसैथि गुबुननि फाव फान्दायनायाव बजबनांबाय आं, अरायनि थाखाय जिउनि साजा। खोमानांबाय सोरबा गावनि आगोमा फिसा सोरनिबा खाफालनि फोथायावो हुखुमु रजाबाय। दै अनजालि, बिदायनि समाव नोंनि फावदुर खालायआव बिलिरना आं फेफिनगोन बर' बिमाखौ उदां खालामना। सानैजौ लुगोन सनानि देरा अनलायनायनि गेजेरजौ संसारखौ दालांगोन, दोनानै होबोनाय सद बांसाखौ हायाखैसै लाखिनो दिने गासैबो जालांबाय थेर-बेथेर। खामलाबायनाय देहा-सोलेरखौ लानानै गोसोआ लुबैयो नों अनजालिखौ लोगो मोननो, नोंनि आखायनि दे रादसे मोनलौनो दान्दिसे जिउखौ गोजोनलाय होनो। नाथाय हादर उदखारि अनगोथेफोरनि नोजोराव हायाखैसै आं गावखौ रेखा खालामनो होनांबाय आं नों अनजालिखौ अरायनि थाखाय बिदाय।

बेरेखा

देबासोन ब्रह्म बेंतल

देसा जिंयाव हासिं जियाया, फारि फारि नायलांदों आं, सोरगिदि मिथिगानि समायना नुथाय, अब्लाबो नुनो मोनाखे बिसोरनि गेजेराव बेरेखा साखाथिनि फैलाव फोथाराव दावसिन-दावला रंगिना खुसि आदार खनजादों। दावखा, दावथु, दावश्री, फानफेवयाली, दावब', गुबुन गुबुन अब्लाबो अराय खौसे। बोहेलानाय दैसानि देयावबो दडो, सांथ्र हायै बायदि फोलेरनि ना। दावलाडे बिसोर खौसेयै हान्जा-हान्जा। जाफेरखे माब्लाबाबो मानिबा थाखाय दावहा इसोरनि देरसिन सोरजिनि गेजेराव बिदा-बिनावाव, बिबथे-बियादै जाति-बंस' जाबायदों दिने दौलतनि गिरु-बालु, सुमैथाव, गोमोथाव खुरुक्षेत्र दावहा मानो, मानि थाखाय, मा मुलाम्फा नागिरानै

आंखौ मिथिया नों मानो?

हेना रानी मछाहारी कक्राझार, बि टि सि आसाम

आंखौ मिथिया नों मानो? नोंखौ आंदि बेसेबां मोजां मोनो हास्थायो रजे, आंदि नोंखौ खाथियाव मोनोथाखाय बेसेदि लुबैयो, नोंनि थाखायनो जेव्हाबो मोदै हुगारो आं इसोरनाव आरज गाबो। आनि मोजा मोननाइ अननायखौ फोरमायनो सानो, गोबौ सिडव हाबहाबानै थानाय मोजां मोननायखौ आरज गाबो। नाथाय हाया आनि बे जावलिआ गोसोया, अरायबो नोंखौ लोगो हमनो, फोरमायनो गोसो गोबोनि बाथा नोंनि सिगाडव फारियै बेखेवना होनो। खुदियो आनि गोसोयाल' हासिंडे जेव्हाबो बाथा फेसे रायन्नायनो नोंजौ, नाथाय जौंखौ लोगो मोनबोला, आनि गोसोया हारसिडे गिखाडे, लाजिखांनय फेयो। नोडे आनि मोजां मोननायखौ हमदांनो हाबायबोला, आनि हास्थायनायखौ सुफुदो नों अनजालु, दड'आंहा गोसोआव गोबां दुखु-हांमा, मोननो फेसे गोदे राव नोंनि खुगानिफ्राय। हांमाल' दोनलांगोन नामा नौलाइ अनजालु आंखौ बे जोनोमावलाइ, दिनेसिम बेसेबां गोबाव जाबाय आं नोंखौ मोजां मोननाया, नाथाय आंखौ मिथिया नों मानो दाबो?

स्पेन टुर्नामेन्टनि थाखाय भारतीय हकि टीमआ फारिलाइखौ फोसावबाय

गोदान दिल्ली, 8 डिसेम्बर: भारतीय हकि टीमआ गलकिपार सभिता भुनियानि दैदेनायाव स्पेनआव दर 5 हादतनि गेजेराव जानो गोनां हकि टुर्नामेन्टनि थाखाय सा 22 सोद्रोमानि आइजो टीम फारिलाइखौ फोसावबाय। बे फारिलाइयाव गोखौ फरवाड उत्तराखान्डनि भन्थना कतारिआ लेखडि केप्टेननि थाखाय सायख'जादों। भारतआ 15-22 डिसेम्बरसिमनि गेजेराव जानो गोनां बे टुर्नामेन्टआव आयरलेन्ड, जार्मानी, स्पेन आरो



बेल्जियामजौ बादायगोन। रान्चिआव फेगौ 13 जानुवारनिफ्राय जागायनो गोनां अलिम्पिक क्वालिफायरसनि थियारिनि थाखाय बे टुर्नामेन्टआ भारतीय टीमनि थाखाय मोनसे जर'खा टुर्नामेन्ट जागोन। मानोना

बे टुर्नामेन्टनि गेजेरजौनो भारतआ गावसोरनि गोरोन्थिफोरखौ एसेब्लाबो सुद्रायनो खाबु मोनगोन। फोसावजानाय टीमनि फारियाव सभिताजौ लोगोसे बिषु देबि कारिबांआ गलकि पारनि फारियाव

लाखिजादों। डिफेन्सनि फारिलाइयाव निक्की प्रधान, उदित्ता, इशिका चौधुरि, गुजित कौर, अक्षता अबास देकालआ जायगा मोन्दों। मिडफिल्डरनि फारियाव निशा, भैस्वभि पालके, मनिका, सलिमा तेते, नेहा, नबजित कौर, सनिता, जति, बलजित कौरआ सायख'जादों। बिथामोननि अनगायै जोबथा लाइनआव जति चेत्रिजौ लोगोसे संगिता कुमारि, दिपिका बन्धना कतारिया, ब्युति दुंदुं आरो शर्मिला देबिआ जायगा मोन्दों।

सालबारि सिनियर सेकेन्डारि फरायसालिनि बान्था रान्नाय मेल खुंदों सुबुंफोरा गावरौ मोजां मोब्नाया गोसोनि मिथिंगायारि लुबैनायः बेदब्रत मिश्र

भवानिपुर, 9 डिसेम्बर: 'फोरेंगिरि, बिफा-बिमाफोरा फरायसाफोरनि थाखाय सिबिजाथाव। नाथाय फरायसाफोर गावसोरखो बांफिनै मोजां मोनो। साफ्रोमबो सुबुंफोरनो गावखो बांसिन मोजां मोनो। मानसिया गावखो मोजां मोन्या गोर्बो सिंनिफ्राय गायसन्नो हानांगोन। फरायसा, साफ्रोमबो सुबुंफोरा खामानि मावनाय, गावखो मोजां मोनो सोर्जिनांगोन। नाथाय सुबुंफोरा गावखो सोर्जिनायखो एसेबा गोरलै सान्ना लाया। गावखो रोखायै सोर्जिनांगोब्ला, मुंदांखा सुबुं जानांगोब्ला गोमो, सैथो खामानि बाउसोमनांगोन। गावनि सान्नायफोरा मोजां जानांगोन। समाजयारि आसाख्तिफोरखो मान होनांगोन। गावखो गोखों गायसननांगोन, आं नागिरो मा गावखोनो सोथिंखालामनांगोन।' -बे बिबुंथिखो 'दैनिक असम' खोंर बिलाइनि गागि लोगो सुजुगिरि आरो जर'खा ख्नाइगिरि- थुनलाइगिरि बेदब्रत मिश्रआ दिने सालबारि सिनियर



सेकेन्डारि फरायसालिनि बोसोरगि बान्था गथायनाय मेलयाव गाहाइ आलासिम महैर बाहागो लानानै होयो। बेदब्रत मिश्रआ बुंदोंदि, मुलुगुआ जोबोद समाइना। समाइना मुलुगुयाव मोजांइ सिगां लांबाय थायोब्ला मिबथिनो मोनगोन जिउथाव बेसेबां गोजेनाय दड। मुलुगुखो मोजां मोन्या जिउनि सांथो जानांगोन। मुलुगुयाव जिउ खनोब्ला गोजेनाय आरो दावरव-दावसियाबो थागोन। समाजयाव बायदि रोखोमनि थागोन, बायदि रोखोमनि गेजेराव खौसेयाबो थागोन होनानै बुडे। सालबारि सिनियर सेकेन्डारि फरायसालिनि गोय्युं गलक

चन्द्र बर'नि आफदगिरि मासि सामलायनायाव खुंनाय बान्था रन्नाय मेलखो जगायजेनायावबो बेखेवना होयो सालबारि टिसिएलसिसिनि मासिगिरि आरो सालबारि सिनियर सेकेन्डारि फरायसालिनि सामलाय आफदनि आफदगिरि बिनद मुसाहारिया। बेखेवनाय बिबुंथियाव मुसाहारिया माहारिया सोलौंथाय खान्थिनि सायाव बिबुंथि होनायजों लोगोसे सुबुं धोन जौगाखानायनि बिथिखव फोरेंगिरि समाज, बिमा-बिफा, समाजनि मावनांगो खामानिनि सायावबो बिबुंथि होयो। सालबारि सिनियर सेकेन्डारि फरायसालिनि

बिबुंथिगिरि बिजित गोर बसुमतारि आरो रुपम काकतिआ सामलायनाय मेलयाव गुवाहाटीनि गुण गोनो फोरेंगिरि मुस्मिमा लिना मिश्रा, खोंरगिरि-आरिमुगिरि रजिब तात्कदराबो आलासिम महैर बाहागो लाफैयो। मख 'नो गोनांदि, मेलयाव गाहाइ आलासिम गागि खोंरगिरि बेदब्रत मिश्रखों सालबारि सिनियर सेकेन्डारि फरायसालिनिफ्राय आर'नाइ, मान बिलाइ बायदि गथायनानै बराय मान बाउयो। फरायसालिनि हाबाफारियाव फरायासालिनि फरायसाफोरा गोसो बोनो हनाय गाब गोनो हारिमुवारि हाबाफारि दिन्थिदों। मेलयाव सोलिफु बोसोराव सालबारि सिनियर सेकेन्डारि फरायसालिनि फरायसाफोरनि गेजेराव खुंनाय बोसोरगि गेलेमु, थुनलाइ, हारिमु बादायलायनायाव बान्था देरहानाय फरायसाफोरनो बान्था गथायनाय जादों।

गोमो गादों चिथिलानि आबाद फोथाराव

कक्राइार, 9 डिसेम्बर: बोसोरसे-बोसोरने नडा गोदो-गोदायनिफ्रायनो चिथिलानि चप गामियाव मावनाय जाबोदों बेसरनि आबाद। बिटिसि सदर कक्राइार जिल्लानि सिडाव थानाय चिथिलानि चप गामियाव मावनाय बेसर आबादा आफां आसामनि हाथाय दखल खालामदों। बे खेबावबो चिथिलानि चप गामिनि आबादथिलिफोराव थानाय बोसोरफोरनि बायदिनो बेसर बिबारजों गोमो गाबनि समाइना महैर मोन्दों। मख 'नो गोनांदि, माखासे हेक्टर बिचा हायाव बेसर आबाद मावनाय बोसोरनि खरसाफोरखो दिहुन्नानै गावनि आथिखव गसंथानो हानायनि सिंमां सोर्जिनाय चिथिलानि चप गामिनि आबादारिफोरा मिबथिहोनाय बायदि गामिनि सुबुंफोरा आबादनि गेजेरजोंनो गावसोर जिउ खंबोदो। फिसाफोरनि फरायनायनि खरसानिफ्राय जागायजेनानै गासोबोयाव आबादनि सायाव सोनारनाय जायो। बेबायदि समाव गावसोर बिटिसिनि आबाद बिफानखो गोर्बो थाखोनि आरो गोदान मुगानि बिरोदामिन आदोबजों आबाद मावनो आरो गोबां बिबांनि फिथाइ दिहुन्नायाव जाफुं सारनायनि थाखाय दै जगायनायनि थाखाय मोब्बल



फोनांजाबनायनि रहा आरो आबाद बिफानिफ्राय आबादनि जोथोरफोर, गोर्बो थाखोनि जोलै-बेगर जगायनायनि आर'ज खालामबोदोंब्लाबो गावसोर दिनेसिम बिफानिफ्राय जायदि-जाया

हेफाजाब मोनाखै। आबाद बिफानिफ्राय माखासे जोलै-बेगरफोरखो जगायदोंब्लाबो बेयो आबाद मावनायनि सम बारलानायनि उनाव गथायनायाव खामानियाव गैयै जादों होन्ना

मिबथिहोनायजों लोगोसे बे बेगरफोर बोथोर आरो बे ओन्सोलनि थाखाय नड होनानै गोखों अजद होदों। बेनि थाखायनो आबादनि बिथिंथि संदानग। बिगियानगिरिफोरजों सावरायलायनाने बे ओन्सोलनि आबादारिफोर मुलाम्फा जानो हनाय बायदि जोलै-बेगरफोरखो समनि गेजेरावनो जगायनो थाखाय खावलायदों। लोगोसे आबादारिफोरनि जौगाखानायनि थाखाय मिर आरो रइज्यो सरकारआ जायफोर बिथिंथि आजावना लादों बेफोर बिथिंथियाव चिथिलानि चप गामिनि आबादारिफोरखो लाफानो खावलायदों।

हादतगिरि मुर्मआ गेलेगिरिफोरनो थुलुंगा होदों

गोदान दिल्ली, 9 डिसेम्बर: भारतनि हादतगिरि द्रौपदि मुमुंआ गेलेगिरिफोरजों लोगो हम्जलायनाने बिसोरनि गेजेराव थुलुंगानाय होदों। लोगोसे बिथाड बे समाव गेलेगिरिफोरनिफ्राय जानो गोनो पेरिस अलिम्पिक आरो पेरालिम्पिकआव मेडेल देरहाबानानै गोगानाय लाबोगोननि मिजिंथि लादों। बिथांजों लोगो हम्नाय गेलेगिरिफोरा हादतगिरिजों लोगो हम्नाय सुबुंफोरनि मोनसे हाबाफारियाव राष्ट्रपटि भवनसिम सौहैदोंमोन। हादतगिरिआ बिसोरजों लोगो हम्नाय गावयारि फोथायनायखो गोसोआव गोखोडै लाखिनो खावलायदों आरो बिसोरनि बिहोमानि थाखाय बाखायदों। बे समाव हादतगिरिआ माखासे दाननि गेजेरावनो मुलुगनि नोजोरआ पेरिस अलिम्पिक आरो पेरालिम्पिक 2024 आव गोर्लेगोनखो फोरमायनानै

भारतनिफ्राय हादतनि गेलेगिरिफोरनि सायाव मिजिंथि लागोनखो फोरमायदों। जायनि थाखाय बिथाडा गेलेगिरिफोरजों लोगो हम्नाय समाव जानो गोनो बैफोर इन्धेन्फोरव देरहानानै हादतनि मुं लाखिनायजों लोगोसे खुसिनि दोहै लाबोगोनखो मिजिंथि लादों। बे समाव हादतगिरिआ गेलेगिरिफोरनिफ्राय इन्टरनेसेनेल लेभेअव दिन्थिफुनानै जाफुंसारनो हनायखो बाखायदों। लोगोसे बिसोरनि बादायनो हनाय गोहो साहसनि हेंथायाव रवबो थावरिनो हनायनि गोहो थानाय नड होन्ना फोरमायो। हादतगिरि मुमुंआ थानाय माखासे दाननि सिगांसो जेबलानाय एसियान गेम्स आरो पेर एसियान गेम्सआव हादतनिफ्राय जांरिभिनारि गं 107 आरो गं 111 मेडल देरहानायखो गोजेनाय फोरमायदों लोगोसे बे समाव बेफोर जाफुंसारनाया गेलेगिरिफोरनि गोब्राव नाजानायजोसो फेनाय होन्ना फोरमायदों।

1 बिलाइनिफ्राय

1 बिलाइनिफ्राय

1 बिलाइनिफ्राय

आसामनि मोनफ्रोमबो खोन्दोयावनो गिबि मन्थि..

होदोंमोन। दिने रइज्यो बेंगिरि कातारियाआ बेखेवनाय नैथि खोन्दोयाव गिबि मन्थि शर्माआ गावनि गिबि मन्थि हाबा मावनायनि नैथि बोसोरगि एबा 2022 माइथाय 11 मेनिफ्राय 2023 माइथायनि 10 मेसिम मोनफ्रोमबो साननि सामफ्रोमबोनि लिर्बिदांखो थिसन्नाय जादों। गुबुन फारसे 'मुख्य मन्थिर् बकत्रिता संकलन-1' आव उ शर्माया गावनि गिबि मन्थिनि सैथि बोसोरव बाहागो लानो सरकारि आरो रइजोयारि गुबुन गुबुन हाबाफारिफोरव बिबुंथि होनायफोरनि गेजेरनिफ्राय मोन 35 बिबुंथिफोरखो सायख 'नानै थानाय बोसोरनि 14 मे अक्टूबालि रन्सायनाय बिजाबजों फोसावजादोंमोन। मुख्य मन्थिर् बकत्रिता संकलननि- सैथि खोन्दोआ गासै गां 338 बिलाइनिमोन। दिने बेखेवनायनाय गासै गां 563 बिलाइनि मुख्य मन्थिर् बकत्रिता संकलन-2 रन्सायनाय बिजाबज उ शर्मानि गिबि मन्थि हाबा मावनायनि नैथि बोसोरव बिबुंथि होनायनि गेजेराव मोन 65 बिबुंथिफोरखो थिसनफानाय जादों। गुबुन फारसे गिबि मन्थि शर्मानि अन्य एका द्रुष्टिकना बिजाबनि गुबुन गुबुन लिर्बिदांफोरखो उडिया रावसिम सोलायदों रइज्यो बारा' गाहाइ फोरमाइथाय कमिसनार अजित प्रसाद उरतआ। बेबायदिनो दिने बेखेवनायनाय त्रैथि बिजाब 'किमान सुरक्षित जातिर भविशत' मुनि गासै गां 160 बिलाइनि बिजाबज गिबि मन्थिनि गाहाइ प्रेस नेहाथारि महन्तिन मोन 26 लिर्बिदांफोरखो थिसन्नाय जादों। दिनेनि हाबाफारियाव रइज्यो बेंगिरि गुलाब चन्द कातारियाआ बिजाब बेखेवनाय गिबि मन्थि उ शर्माआ मोनसे मख 'जाथाव थासारि सोर्जिनो हादों। गिबि मन्थिनि दैदनायाव रइज्योआ दिने गासैबो बिथिडवनो मोनसे गोखैथि मोनो हादों होन्ना मख 'नानै रइज्यो बेंगिरिआ मुलुग सोलौंसालि आरो सोलौंथाय फसंथानफोरनिमिमबो गासैबो रोखोमनि हेफाजाव होनायनि थाखायबो गिबि मन्थिखो साबायख 'र बाउदों। बिथाड बुंदोंदि, साहा बागान ओन्सोलायाव गिबि मन्थिनि दैदनायाव गायसनजानाय आदर्श फरायसालिफोरा मोनसे गेदेर सोलायथाय लाबोनो हादों। दिने बेखेवनाय बिजाबफोरा गिबि मन्थि महैर उ हिमन्त बिश्र शर्माआ बाश्रा होनाय आरो बेफोरखो मावफुनायनि बिथिफोरनि सोमोन्देबो मिबथिनायनि खाबुखो फरायगिरिफोरनो होनाय जागोन होनानैबो बिथाड बुडे।

गुबुन फारसे हाबाफारियाव गिबि मन्थि उ शर्माआ दिनेनि हाबाफारियाव बाहागो लानानै बिजाबफोरखो बेखेवनायनि थाखाय रइज्यो बेंगिरि कातारियाखो साबायख 'र बाउदों। बिथाड बुंदोंदि, रइज्योनि खुंथायारि गाहाइ महैर गिबि मन्थि सासेनि बिबुंथिखो रइज्यो सरकारनि बिबुंथि होना सान्ना लानाय जायो आरो बे बिबुंथिफोरव सरकार मोनसेनि बे समनि नेमखान्थि, आदर्श, सामलायथाय रहा आरो बाश्रा बुंथिनायफोरा फोसावजायो। बेबायदियावनो गिबि मन्थिनि बिबुंथि रन्सायनायफोरखो फोसावजायोनि थिंखि लानाय जादोंमोन। मानोना इयुनिनि जांरिमनिनि थाखाय बेयो मोनसे मोजां फुंखा महैर मिबथि जायो। गिबि मन्थिआ बुंदोंदि, सुबुंखान्थि सानाव रइज्यो बेंगिरि आरो उदासि सानाव गिबि मन्थिआ बिबुंथि होनाया सरकार मोनसेनि थाखाय मोनफा-मोनफा जोबोद गोनांथाय बिबुंथि होनाय सान्ना लानाय जादों। गुबुन फारसे रइज्यो बेंगिरि कातारियाआ बेखेवनाय गिबि मन्थिनि गाहाइ प्रेस नेहाथारि ध्रुव महन्तिनि बिजाबखो जांरिभिनारि फोरमायथायनि बिथायाव लिस्नाय गोसे बिजाब होन्ना मख 'नानै गिबि मन्थिआ बिजाबनि थाखाय लिर्गिरिखो साबायख 'र बाउदों।

फोरमाइथाय आरो सुबुं फोनांजाब बिफाननि मन्थि पिपुय हाजिरकाया बराय बिबुंथि होनाय दिनेनि हाबाफारियाव साहित्य एकाडेमि बान्था मोनगिरि, गागि लिर्गिरि आरो सादिन खोंर बिलाइनि सुजुगिरि अनुरधा शर्मा फुजारि, गुवाहाटी मुलुग सोलौंसालिनि भाइस चेन्सेलर बिबुंथि प्रतापज्यति सन्दिक्, नागबेन, मुलुगसोलौंसालिनि चेन्सेलर उ समुद्र गुप्त कायप, रइज्योयारि मन्थि आफदनि माखासे सोद्रोमाफोर, एमपि, एमएलए, रइज्यो खुंथायनि देखासे गोर्बो थाखोनि बिबानगिरि आरो गुबुन गुबुन बिथिंथि गागि सुबुंफोरनि गिबि मन्थिनि बिमा मृनालिनि देखो आरो गिबि मन्थिनि बिसि रिनीक भुजा शर्मानोमोहबो बाहागो लाफैदों। हाबाफारियाव साबायख 'र बाउनाय बिबुंथि होदों गिबि मन्थिनि लेडाइ नेहाथारि समिर कुमार सिन्हाया।

दिने 10 डिसेम्बराव रुंसारि सम्बारु स्वर्गियारिनि..

सिबियारि, थुनलाइ-हारिमुनि सिबियारि सम्बारु स्वर्गियारिआ थानाय 16 नभेम्बराव हरखाबै रुंसारि जानाया बिथानि अन्सायारिफोरखो दुखु होलादों। रुंसारि जानाय समाव बिथानि बैसोआ 62 बोसोर जाबायमोन। 1961 माइथायनि 30 मेयाव जोनोम मोन्याय सम्बारु स्वर्गियारिआ हुदुकाता गेजेर इंग्रिज फरायसालियाव 1988 माइथायनिफ्राय गोबाव सान गासै 33 बोसोरनाडे गुण गोनाडे फोरेंगिरिनि हाबा मावनानै 2021 माइथायनि 31 मेयाव फरायसालिनिफ्राय आंजिरा मोनो। सम्बारु स्वर्गियारिआ समाजयारि महैर गुबुन गुबुन मासियाव बिबान सामलायदोंमोन। जोवथा हां बोनाय समसिमाव बिथाड दुलाराय बाथो महासभानि मानास-बाक्सा जिल्ला आफदनि लेडाइ आफदगिरि मासियाव बिबान सामलायदोंमोन। सैथो आरो आदर्शजों बिथाड समाजि सिबियाय होलादोंमोन। रुंसारि जानाय समाव सम्बारु स्वर्गियारिआ बिसि, सानै फिसाज्ना, सानै फिसाजोर्जो लोगोसे माखासे अन्सायगिरिफोरखो बे संसारखो नागरलाडे। सम्बारु स्वर्गियारिनि दिने गोथार सारादुनि सनाव सम्बारु स्वर्गियारिनिमिमान बाउहरदों गोबां अन्सायगिरिफोरा।

आदर्श ट्राइबेल गागि दाफुनायनि आइटिडिपिया..

मार होग्रा मेसिन, बेसरनिफ्राय थाव दिहुग्रा मेसिन, आता, हालदें गुन्दे खालामग्रा मेसिन, स'लारजों सोलिग्रा दै बोखोग्रा मेसिन बायदि जगायदोंमोन। नाथाय सोमोनांथाव महैर जेबो जाहोन गैया लासेनो दिनेसिमबो रन्नानै होयाखै। सुलुड फोरमायनाय बादिब्ला, 2021-22 रंखान्थि बोसोरनि सिडव बिटिसिनि दरथाम जिल्लाजों लोगोसे रइज्योनि दर 10 जिल्लानि ट्राइबेल हारिनि गावसुंथा हान्जाफोरनि गेजेराव रन्नानै होनो थाखाय आइटिडिपिआ बे बेसेन गोसा आइजें-आइलाफोरखो जगायनानै होदोंमोन। नाथाय सोमोनांथाव महैर आइटिडिपि बिफाना जगायनाय बे आइजें-आइलाफोरखो कक्राइार खोन्दो जौगाखां बिबानगिरि मावखुलियाव गोर्लेसोनानै थानायखो नुनानै ओन्सोलनि सांघां रइजो-रजाफोरा गोर्लैयै गनायनानै लानो हायाखै। सांघां नोगोरफोरफोरा गाहाइ मन्थि नरेन्द्र मदिनि आदर्श गामिनि सिमाडा बे बायदि बायगिललानायखो गोखों रवजों सांखारिनाय गावसुंथा हान्जाफोरा बे बिथिंथिनि गेजेरजों बेसेबां मुलाम्फा मोन्दों बेनि थार सावगारिखो दिन्थिफुंदों होनानै फोरमायो। मख 'नो गोनांदि, कक्राइार जिल्लानि मोन 6 जौगाखां खोन्दोनि सिडाव थानाय दर 138 गामिनि मोन 276 ट्राइबेल गावसुंथा हान्जाफोरनि गेजेराव थानाय बोसोरवनो बे आइजें-आइलाफोरखो रन्नानै होनांगोमोनब्लाबो बिथिंथि बिथोनगिरि वाडिउल इस्लामनि बिबान गैयै आरो गोर्होला आखुनि थाखायो जायो। आइटिडिपिआ जगायनाय कौटि-कौटि रनि आइजें-आइलाफोरखो दिनेसिमबो रन्नानै होयाखै होनानै अजद सिखादों। बे आयदनि सायाव बिटिसि खुंथायखो गेबेडे नायबिजिनो थाखाय दाबि देखादों सांघां नोगोरफोरफोरा।

सरुपेटाआव गोबां बिबांनि ...

मोनसे हान्जाया सरुपेटानि खाथियाव थानाय साउलियाबरनि हाजिर सकआव सिप्रोमनायाव एएस 15 एसि 3624 नम्बरनि गंसे टया एसि गारियाव आयेन बेरेखायै लाबोनाय मोन 14 बस्टा मोब्बलबनि तारजों लोगोसे साउलियाबरि गामिनि समुल आलि (50) आरो बातुवा गामिनि जलि्ल आलि (38) खो हम्नो हायो। हम्नो हनाय सानै सुबुंखो सैथि खालामनायाव सिमान लानाय बादिदै, बिसोरों बातुवा गुदि फरायसालिनि फोरेंगिरि अरुजो-रजाफोरनि डेम्पआव हाजिरा मावनो थाखाय फोरेंगिरिनि बिथोनाव बे मुवा-बेसादफोरखो फोरेंगिरिनि न'निफ्राय साउलियाबरिआव थानाय डेम्पसिम लांबाय थादोंमोन। गुबुन फासैथिं, हम्नो हनाय सानै सुबुंखो दिने जोबथेसालियाव दैथायहनायजों लोगोसे बे आयेन बेरेखा फालांगिजों लोब्बा थानाय सुबुंफोरनि हेंथायै पुलिसआ संदानायखो जागायजेदों होनानै सुलुड मिथिहोदों।

कंग्रेस एमपिनि न'आव 300..

बान्जानि गेना-खान्थि आरो जाख्ल 'नायनि हेंथायै कक्राइार जिल्ला बिजेपिनि बान्जानाययाव सोमावसारनाय हाबाफारि खुंनाय जायो। कक्राइार जिल्ला बिजेपिनि मावखुलिनि लागोनायाव खुंनाय बे सोमावसारनाय श्रीमामपुर कक्राइार जिल्ला बिजेपिनि लेडाइ आफदगिरि आरो श्रीमामपुर बिटिसि बिबाबनि एमसिएलए सजल कुमार सिंह, बनरगाव बिटिसि बिबाबनि सोद्रोमा रजिब कुमार ब्रह्म आरो कक्राइार जिल्ला बिजेपिनि गाहाइ नेहाथारि अनिर्बान दासजों लोगोसे दोलोनि गासै सा 100 निबोनि बांसिन सोद्रोमाफोरा बाहागो लायो। सोमावसारनाय हाबाफारियाव बाहागो लानानै कक्राइार जिल्ला बिजेपिनि लेडाइ आफदगिरि आरो श्रीमामपुर बिबाबनि एमसिएलए सजल कुमार सिंह आरो कक्राइार जिल्ला बिजेपिनि गाहाइ नेहाथारि अनिर्बान दासआ कंग्रेसनि एमपिनि न'आव बे बायदि गोबां बिबांनि रं दोनखुमानायनि थाखाय भारतआ जेसेबां जौगानांगोमोन एसेबां जौगानो हायाखै होनानै बुडे। सानैबो दैदनिगिरिफोर फेगौ बोसोरव कंग्रेसनो गोखों फिनजाथाय होनो खावलायनानै कंग्रेस उदां भारत दानो थाखाय खोथा होयो।

सुबुं अनफावरि महराव...

खमबल रन्नानै होयो। मुलाम्फागिरि निखावरि सुबुंफोरा मासिगिरि आलमा बसुमतारिनि सायाव गोजेननाय फोरमायनायजों लोगोसे निखावरि रइजो-रजाफोरनि थाखाय फेगौ समफोराव गोबां खामानि मावलांगोन होनानै मिजिंथिनाय फोरमायदों। लोगोसे हाबाफारिजों सोमोन्दो लाखिनानै मासिगिरि बसुमतारिआ फोरमायोदि, गावनि भिसिडिसिनि सिडव थानाय गामि एबा ओन्सोलफोराव रइजो जाबोनाय गोरिब थाखोनि सुबुंफोरखो लानानै आथिखालनि सरकारा बे बायदि खम्बल खुन्दु राना होनायनि जेबो राजखान्थि खालामाखे, बेनि सोलाय बायदि रोखोमनि फिसा-फिसा मावबिथिंथिफोर बेखेवनायजों हलामाव सुबुं सम्पद सोरजिनो थादों। बेफोरबायदि खम्बल खुन्दुनि राजखान्थिखो थानाय बिपिएफ सरकारासो खालामबोदोंमोन, बेखायनो दिनेनि सानाव गावनि रांखो जा हायो खरसा खालामनानै गोर्बो बोथोराव गुसुजों भुगिनांनानै थानानाय माखासे गोरिब थाखोनि नख 'रफोरनो गावनि फासैनिफ्राय खम्बलफोरखो रानानै होनाय जादों होन्ना बे बिथाड बुडे। लोगोसे थानाय समफोरावबो गावनि फासैनिफ्राय सरकारनिमिम खावलायनानै लाबोनाय गोबां अरुनदय बिथिंथि, माइनाव सोरां बिथिंथि, गियान सोरां बिथिंथि बायदिनि गेजेरजों गोरिब थाखोनि मुलामफारियाफोरा गोबां मुलाम्फा मोनो हादों होन्ना फोरमायनायजों लोगोसे फेगौ समाव बिटिसि सरकारआ आलारि सोरां बिथिंथिनि गेजेरजों 2 लाख रनि अन्सुंथायखो होनो थाखाय भिसिडिसिनि सिडव थानाय रं 12 निबो बांसिन मन्दिर्, गिर्जा न', बाथो थानसालिफोरनि मुंफारिलाइखो गोर्बो फारसे दैथाय हरनाय जाबाय होनानै बिथाड फोरमायबावो। बे हाबाफारियाव मासिगिरि बसुमतारिजों लोगोसे भिसिडिसिनि सोद्रोमा आरो दर 8 गामिनि रइजो-रजाफोरा बाहागो लानानै बिथानि बे बायदि खामानि मावनायखो गोजेनाय फोरमायनायजों लोगोसे अनि समफोराव ओन्सोलाव जौगानाय फेगौन होनानै मिजिं थिनाय फोरमायो।

भेरगावआव बियाब थाखोनि..

पल्लबि कछरीआ। पानेरि बिबाबनि एमएलए आरो आसाम बिधान सभानि बुंथिगारि बिश्वजित दैमरीआ बे खेल महारन हाबाफारियाव जर'खा बिफाव लायो। दैमासिनि 2 रिगानिफ्राय खुंनाय काटससुबा भिसिडिसि आरो गदरा भिसिडिसिनि गेजेराव खुंनाय 14 बोसोर बैसो सिंनि भलिबल बादायलायनायनि फाइवाव मेलआव यदरा भिसिडिसिआ देरहासारनाय लोगोसे 19 बोसोर बैसो सिंनि नैथि भलिबल फाइवाल मेचखो पानिसिलि भिसिडिसि आरो काटससुबा भिसिडिसिनि गेजेराव खुंनाय जायो। बे मेचआव काटससुबा भिसिडिसिआ देरहासारनो हायो। बे मेचनि देरहासार हान्जानो बान्थाखो गथायनानै होयो भेरगाव महकुमा बेंगिरि पल्लबि कछरीआ।

गिबि मन्थिआ आसाम राइज्योयारि जुनारसालिआव...

गिबि थाखोयाव जिराफनि फिसाखो बिमाया गाइजेर दौनायनिफ्राय जानगाराव थादोंमोन होन्ना मख 'नानै गिबि मन्थिआ बुडेदि, रइज्योनि हाग्रा बिफाना गोखैयै मुम्बानिफ्राय सासे जिराफ रंग 'सारखो हांखासनानै लाबोयो। बिथानि नाजानाययाव आरो रइज्योयारि जुनारसालिनि मावफारियाफोरनि हेफाजाबजों जिराफनि फिसाया लासै लासै देरबोदों। बिथाड बुंबावोदि, बे जिराफ फिसानि मुं दोनो थाखाय रइज्यो सरकारा रइजो-रजाफोरनिमिम खावलायदोंमोन। बे खावलायहरनायनि फासै मान होनानै सा 350 सुबुंफोरा मुं दैथायहरदोंमोन। बे मुंफोरनिफ्राय लटारिनि गेजेरजों पारिजात मुंखो आजावनाय जायो। गिबि मन्थिआ जिराफ फिसानि मुंखो पारिजात दोनायखो खोंरगिरिनि सिगाडव फोरमायनानै होयो। बेनि अन्गायैबो गिबि मन्थिआ मासे केंगारु आरो मासे वालाबिखो रइजो-रजाफोरनि थाखाय बेखेवनायै बुडेदि, रइज्योयारि जुनारसालिनि थाखाय मोनो थाडे जुनात महैर मानै उरंगुटेन मोनो हादों। बिथाड बुंडेदि, हाग्रा बिफाननि सिप्रोमनायाव चिलसर-मिज 'गम सिमनायाव बे गोर्लैयै मोनो हायै मानै जुनातखो बोखानानै थानाय बोसोरव जुनारसालि बिबानगिरिया मानै जुनातफोरखो फेदेरहोदों होनानै बिथाड बुडे। दिनेनिफ्राय रइजो-रजाफोरनि थाखाय बे मानै जुनातफोरखो बेखेवनायै होयोब्लाबो फेगौ 10-15 साननि उनावसो नायगिरिफोरा नुनो मोनगोन होनानै बिथाड बुडे। गिबि मन्थिआ हाग्रा बिफाननि मन्थिजों जुनारसालियाव नायगिदिनानै मासे जिराफ फिसा, मासे केंगारु, मासे वाल्लाबि आरो मानै अरेंगुटेनखो रइजो-रजाफोरा नायनो हानायनि थाखाय बेखेवनायै होयो। गिबि मन्थिआ बुडेदि, जुनारसालिनि जौगाथायनि थाखाय 350 कौटि रनि मोनसे बिथिंथि दिहुन्नानै रंखान्थि बिफानिसिम दैथाय हरनाय जादों आरो रंखान्थि बिफाननि गनायथि मोन्यायनि उनाव रइज्यो सरकारा हादतनि गेजेरावनो गंसे समायना जुनारसालि महैर गायसन्नो हागोन। बावैसो सान सिगांनिफ्राय जुनारसालिनि जौगाथायनि थाखाय नाजाबोदों होनानै बिथाड बुडे। फेगौ समाव जुनारसालियाव गोदान-गोदान जुनात लाबोनाय जागोन होनानै गिबि मन्थिआ बुडेदि, जुनारसालिआव जिब-जुनातनि थाखाय मुंफुंथाय लाबोगोन। जुनारसालियाव गंसे जौगाखां जुनात फाहामसालि, जोखोम जाना जिब-जुनातनि फुंफुंथाय मिरु आरो जुनारसालिसिम फेनाय गथ 'साफोरा गेलेनो हनाय बायदिदै मोनसे गथ 'सा पार्क लुनो थाखाय नाजादों होनानै बिथाड बुडे। गिबि मन्थिआ बुडेदि, चिलसर आरो डिब्रुगडुआव गैने गेवलां जुनातसालि लुनायनि गुदि खामानिफोरा जागायजेदों आरो बे गंने जुनारसालिया मिथिंगायारि महैर थागोन आरो नायगिरिफोरा काचनि इन्जुरनि बायहानिफ्राय जिब-जुनातफोरखो नायनो हागोन। गिबि मन्थिआ जुनारसालियाव नायगिदिहैनाय समाव आबहावा आरो हाग्रा बिफाननि मन्थि चन्द्रमह पटावरी, उफ्रा चिफ सेक्रेटारि रविशंकर प्रसाद, हाग्रानि प्रिन्सिपाल चिफ कनजाभंटर एम के यादव, हाग्रानि उफ्रा चिफ कनजाभंटर हृदेश मिश्र, आसाम रइज्योयारि जुनारसालिनि हाग्रा डिभिजन बिबानगिरि उ अरिबनी कुमारजों लोगोसे गोर्बो थाखोनि बिबानगिरि-मावफारियाफोरा बाहागो लायो।

आसाम हारिमुवारि जांखिथाय-2023

गंफ्रोमबो डिग्री फरायसालिमानि गोरयुं, कक्राइार जिल्ला एलिमेन्टारि एडुकेसन बिबानगिरि आरो ब्लक एलिमेन्टारि एडुकेसन अफिसारफोरनिमिम कक्राइार जिल्लयाव बिधान सभा थाखोयाव खुंनानो गोनो आसाम हारिमुवारि जांखिथाय-2023 नि थाखाय गासैबो रोखोमनि आन्जादफोरखो फावसयनायनि बिथोन फोसावनाय जादों। मिबथिनो मोन्या बायदिदै फेगौ 11 डिसेम्बरनिफ्राय 13 डिसेम्बरसिम सानथाम नाडे हाबाफारिजों बिधान सभा थाखोयाव आसाम हारिमुवारि जांखिथाय हाबाफारिखो खुंनाय जागोन आरो बे हाबाफारियाव माखासे गागि सुबुं, मासियाव थानाय बिबानगिरिफोरा बाहागो लाफैगोन। बेनि थाखायनो बे हारिमुवारि जांखिथायखो जाफुंसार होनो फरायसालिमा थाखोनि साफ्रोमबो फरायसाफोरा बाहागो लानाया गोनांथाय होनानै जिल्ला बेंगिरि मावखुलिनि बिथोनमा बिलाइदोव मख 'नाय जादों। मख 'नो गोनांदि, कक्राइार जिल्ला लेडाइ जिल्ला बेंगिरि आरो आसाम हारिमुवारि जांखिथाय-2023 नि नडेल बिबानगिरि उवाजुल इस्लामआ मुंसाइनाय बे बिथोनमा बिलाइखो लानानै डिग्री थाखोनि फरायसालिमा बिफाननि गेजेराव हालाइ-हाफाइ थासारि सोमजिन्याय नुनो मोन्दों। मानोना डिग्री एबा आरिमु जालिया थाखोनि सैथि आरो बाथि सेमिस्टरनि आन्जादफोरखो डिग्री फरा-फारिनि फाइनाल थाखोनि आन्जाद, मुलुग सोलौ

उन्दै समनिफ्रायनो धर्मन्द्रआ दिलिप कुमारनि गिदिर फेनमोन

पान्जाबनि दरसे फिसा गामिन सासे गथ'आ दिलिप कुमारनि गोबां गिदिर फेनमोन। उन्दै समनिफ्रायनो बे गथ'आ मुम्बाइआव थानायनि सिमां नुबोदों। सावथुननि पस्टारखौ नायबोदों, हिर' जानायनि सिमां नुबोदोंमोन आरो बेबादिनो सानसेखालि सिमांखौ मोगथां महर होनो बियो न'निफ्राय जानगारआव थानाय माया नोगोराव सौहैदोंमोन। बेयो जादों भारतीय सावथुननि हिमेन धर्मन्द्रमोन। मख'नो गोनादि, धर्मन्द्रआ जेब्ला दिलिप कु मारनि सावथुनखौ नुयो अब्ला बियो बिन गोबां जावलिआ जायोमोन। बेबादिनो दिलिप

कुमारआनो लाइमोन धर्मन्द्रखौ सावथुनआव फाव खालामनो थाखाय थुलुंगाखांहोदोंमोन। धर्मन्द्रआ जलन्धरनि सहनेवाल गामिआव गेजेर थाखोनि नख'रआव जोनोम जादोंमोन आरो बिन बिफ्राया गंसे स्कुलनि फोरेंगिरिमोन, जेरव धर्मन्द्रआ सोलौंथाय लानायखौ एसेबो मोजां मोनामोन। बेनि जाहोनाव बियो स्कुलआव गोबां रइजायोमोन आरो बिफ्राजोबो गोबां खेब रयजादोंमोन। बियो उन्दै समनिफ्रायनो दिलिप कुमार बादि जानो हास्तायोमोन। बियो सानसेखालि ससेल मिडियाआव मोनसे सावगारिखौ शेयार खालामनानै केप्सनआव साखि मावनाय, साइकेलजों थालाय-



फैलाय खालामनाय सावथुननि पस्टारआव गामनि नुथायखौ नायनाय, हरनि समाव सिरि मोनाय, सिमां नुनाय, फुनि समाव सिखारनाई दिलिप कुमार बादि जानो हागोन नामा होनानै आइनायाव सोंनाय बायदि

बाध्राफेरनि सोमोन्दै लिरदोंमोन। मख'नो गोनादि, धर्मन्द्रआ गामनि बिमाजों गोबां खाथिनि सोमोन्दो लाखियोमोन आरो बिमानि थिनायाव बियो केयार निउ टेल्ट हान्टआव एप्लिकेसन दैथायहदोंमोन आरो बियो एवाड

देरहादोंमोन। बेनि उनाव बिथोनगिरिनि नोजोरआ बिन सायाव गोगलैयो आरो उनाव बियो गामनि गिबि सावथुनआव फाव खालामो। बे सावथुननि थाखाय बियो 51 रां मोन्दोंमोन।

गाहाम देहानि राहा नोरसिं बिलाइआ देहानि थाखाय मुलाम्फा गोनां

भारतीयफोरनि संग्रान'आव माखासे एरैबादि न'आवनो दिहुन्नाय रोदाफोर आरो मस्लाखौ बाहायनाय जायो, जाय जाग्रा आदारनि स्वादखौ गोबां गुन बांहोयो। जाग्रा आदारनि स्वादखौ बांहोनायजों लोगोसेनो बेयो देहायावबो गोबां मुलाम्फा होयो। नोरसिं बिलाइआ बेफोरनि गेजेराव मोनसे, जायखौ गुबुन गुबुन रोखोमनि जाग्रा आदारफोराव बाहायनाय जायो। बेयो भारतयारि जाग्रा आदारफोराव बाहायजाग्रा बयनिखुइ मुंदांखासिन न'आवनो मोनग्रा मुवा। एन्टिअक्सिडेन्ट, मिनारेल आरो माखासे गुनफोरजों बुंफबनाय नोरसिं बिलाइआ जॉनि देहायाव गोबां मुलाम्फा होयो। सुबुंफोर बांसिनै बेखौ बाहायो। बेयो थारैनो देहानि थाखाय गुन गोनां जायो, नाथाय सानफ्रोमबो बेखौ जानाया जॉनि देहानि थाखाय मुलाम्फा गोनां नंगो ना नड बेनि सोंथिखौ जों बे आर्टिकेलाव मिथिनानै लागोन। नोरसिं बिलाइखौ नोंथाडा गोबां रोखोमाव गोलेंथैनो गामनि सानफ्रोमबोनि डाइटनि बाहागो खालामनो हायो। बेवहाय कार्बहाइड्रेट, भिटांमिन ए, सि आरो इ थायो। लोगोसेनो बेयो एन्टि-इमफ्लेमेंटरी, एन्टि-बेक्टेरिएल आरो एन्टि-डायबेटिक गुनफोरखौ बांहोयो,



जाय देहायाव ब्लाड सुगारनि लेभेलखौ कन्ट्रल खालामनायाव मदद होयो।

(1) भिटांमिन सिजों बुंफबनायनि जाहोनाव नोरसिं बिलाइआ देहानिफ्राय बिष गोनां जेंनाफोरखौ बाइजोआव खालामनाय आरो अक्सिडेन्टिभ जेंनाखौ होबथानायाव मदद होयो। बेवहाय थानाय एन्टि-अक्सिडेन्टआ हेल्डि गटखौ बांहोनाय आरो दोगोनखौ गाहाम खालामनायाव मदद होयो। नोरसिं बिलाइआव थानाय भिटांमिन एआ मेगननि नुथायआव सोलायनाय आरो गुबुन मेगनफोरजों सोमोन्दो गोनां जेंनाफोरखौ बाडाइ खालामनायाव मदद होयो। बेयो स्कीन सेल्सआव थै आरो अक्सिजेननि गोहोमखौ बांहोनायावबो मदद होयो, जायजों खानायखौ मोजांसिन खालामनायावबो मदद मोनो। नोरसिं बिलाइआव थानाय भिटांमिन इ आ बिगुरनि गाहाम जानायखौ बांहोनाय आरो गुबुन बेरामफोरखौ होबथानायाव मदद होयो।

(2) नोरसिं बिलाइआ थारैनो देहानि थाखाय जोबोद मुलाम्फा गोनां जायो, नाथाय गासैबो मुवा-बेसादखौ जानायनि मोनसे नेमखान्थि थायो। बेबादिनो नोरसिं बिलाइखौ जानायनिबो नेमखान्थि दड। इडएसडिए डाटायाव नोरसिं बिलाइनि थाखाय स्टेन्डार्ड बाहागोनि जेबो अन्जिमा गैया, बेनिखायनो नोरसिं बिलाइजों लोगोसे गुबुन जाग्रा आदारखौ फोमोनायाव नोंथाडा बेसेबां गुन आरो केलरिखौ मोनो बेखौ रोखा खालामनाया जेंना गोनां जादों। बेबादिआव बेखौ डाइटआव लाफादेरनायनि सिगां सुबुरुनगिरिनिफ्राय सुबुरुन लानाया गाहाम।

(3) नोंथाडा नोरसिं बिलाइखौ गुबुन गुबुन जाग्रा आदारआव होनानै जानो हायो। बेजों जाग्रा आदारनि स्वादआ बांनायजों देहायाव मुलाम्फाबो मोनो। नोरसिं बिलाइखौ साहा बांनायनानैबो डाइटआव लाफादेरनो हायो।

महम्मद आशिकआ मास्टारशेफ इन्डिया 2023 नि बिमुंखौ देरहाबाय

गोदान दिल्ली, 9 डिसेम्बर: मास्टारशेफ इन्डिया 2023 आ जोबना थाबाय आरो स्वआव गोदान देरहागिरि मोनबाय। स्वआ 8 सप्ताहसिम सोलिनाय समाव बादायगिरिफोरखौ चेलेन्जनि बायदियै गोथाव जाग्रा संनाय नुनो मोन्दोंमोन। मोनफ्रोमबो गोब्राब जुजिनायखौ सौंसिनानै महम्मद आशिकआ स्वनि देरहागिरि महरै नुजाथिदों। स्वनि बिजिरगिरि बिकास खन्ना, रणवीर बरार आरो पुजा धिंग्राया महम्मद आशिकखौ देरहागिरि महरै सायख'दों। दिन्थिफुनायनि बादायगिरिफोरा गोसो गुदुं बादायलायनायफोराव बैफोर बिजिरगिरिफोरनिफ्राय लामा दिन्थिबाय थादोंमोन। 24 बोसोर बैसोनि बादायारि महम्मद आशिकआ मास्टारशेफ इन्डियानि 8थि सिजनखौ देरहानानै मोनसे गिदिर जाफुंसारनाय मोनो हादों।



बिथाड मोनसे कट, टुफी आरो 25 लाख रां देरहानो हादों। रुखसार सईद आरो नाम्बी जेसिकायाबो फाइनालनि बाहागोमोन। नानबी जेसिकाया नैथि मासि आवग्रिनो हादों, जेरव रुखसार सईदआ थामथि मासि आवग्रिनो हादों। सुरज थापायाबो फाइनाल एपिसडनि बाहागोमोन। बिजिरगिरि रणवीर बरार महम्मद आशिकखौ सशेल मिडियायाव

बरायदों। बिथाड लिरदों, थुलुंगायायि जागायनायनिफ्राय लानानै दावबायनायसिम नोंथाड माब्लाबाबो बांसिन साहस खालामनायखौ बन्द खालामाखै। मास्टारशेफ महम्मद आशिक जानायनि थाखाय बरायनाय। देरहागिरि जाखानायनि उनाव महम्मद आशिकआ गामनि गोसोनि सानायखौ फोरमायदोंमोन। बिथाड बुंदोंमोन दि, मास्टारशेफ

इन्डियायाव आनि दावबायनायनि थाखाय जोबोद साबायखर बावो। जागायजेन्नायनिफ्राय लानानै टुफी जोबनायसिम मोनफ्रोमबो बुल्लिया मोनसे गोथौ आयदामोन। बे मोन्दाथिया आनि जिउखौ आबुडै सोलायबाय आरो बे मानगोनां बिमुं देरहानाया मोगथाडरि नड। महम्मद आशिकआ गुबैथै कर्नाटकनि बेंगलुरुनि थागिबि।

जेब्ला आशिकआ मास्टारशेफ इन्डिया बादायलायनायाव बाहागो लादोंमोन अब्ला बिथाड कुलुक्की हबआव गामनि गामियाव मोनसे जुस गला होयोमोन। संनाय-खावनायनि फारसे गामनि गोसो गुदुंखौ गुबुन रोखोमनि आदार बानायनायनि रोंग'थिजों ज' खालामनानै महम्मदआ गामनि नख'रखौ रांखाथियारि मदद होनो हादों।

मनज बासपेयिआ दा फेमिलि मेन-3 नि सायाव जरखा बाथा फोरमायदों




मनज बाजपेयिनि सावथुन जरामआ 8 डिसेम्बरआव रिलिज जाबाय। बेनि गेजेरव आथिखालाव मनज बाजपेयिनि वेब सिरिज दा फेमिलि मेन-3 खौ लानानै माखासे बाथा फोरमायदों। फावखुंगुरआ दा फेमिलि मेनआव गामनि आखु श्रिकान्त तिवारिनि सोमोन्दैबो बाथा सावरायदों। मोनसे सुबुंफोर बेनि थामथि सिजननि

रिलिजखौ नेनानै दडमोन, जाय आथिखालाव जोबबाय। मनज बाजपेयिआ बावैसो समाव दा फेमिलि मेन-3 खौ लानानै माखासे बाथा फोरमायदों। फावखुंगुरआ दा फेमिलि मेनआव गामनि आखु श्रिकान्त तिवारिनि सोमोन्दैबो बाथा सावरायदों। मोनसे सुबुंफोर बेनि थामथि सिजननि

बुंदों, गावसोर 2024 नि फेब्रुवारी दाननि जोबथायाव शुटिखौ जागायगोन आरो बे खेबआव गावसोर वेब सिरिज दा फेमिलि मेन-3 नि बांसिन सिनखौ नर्थइस्टआव शुटि खालामगोन। गावसोर बै सिननिफ्राय जागायगोन जेरव गावसोर सिगांनि सिजनखौ फोजोबदोंमोन। गाव बे खेबआव वेब सिरिज दा फेमिलि मेनआ सिगांनि सिजननिफ्रायबो साबसिन जागोन होनना फोथायनाय होयो। बे खेबआव बांसिन गिखंथाव एक्शनखौ नुनो मोनगोन। लोगोसेनो गासैबो गोदान जागोन। बे समाव श्रिकान्त तिवारिआ गामनि जिउनि बै दावबायनायाव दड। जेरव

बिन फिसाफोर देरबाय आरो श्रिकान्तआबो एसे बोरायबाय। नाथाय बिन सेलेन्जफोर बिखौ नागाराखै। इन्टरभिउआव मनज बासपेयिआ दा फेमिलि मेन-3 आव फावखुंगुरआ बुंदोंमोनदि, सावथुन मेकासआ सिजन 3 खौ थाबेनो शूट खालामनो हास्तथायाखैमोन। सिजन 1 निफ्राय सिजन 2 सिमाव गावसोरनो 3 बोसोर सम नादों। बेनिखायनो गावसोर सिजन 3 नि थाखाय एसेबां समखौनो लादों। गाव सिजन 3 आवबो रंजाथाइखौ मोनगोन होनना आसा खालामदों। मनज बासपेयिनि सावथुन जरामआ बावैसो समाव रिलिज जादों। थाबैनो बिखौ डिसपेचआव नुनो मोनगोन।

2024 आव 1997 नि ब्लकबास्टर सावथुननि सिक्वेलखौ बानायनाय जासिगोन



बर्डरखौ जेपि दत्तआ बिथोन होदोंमोन। सावथुनआव सानि देअलआ गाहाइ फाव खालामदोंमोन। सावथुनआव बिन माखासे एरैबादि डायलगाफोर दड, जायखौ दिनेसिमबो गोसोखांनाय जायो। भारतयारि सावथुनआव बर्डरआ बयनिखुइबो देरसिन वार सावथुन महरै जाफुंसारदोंमोन। आथिखालाव बेनि सिक्वेल बानायनायनि थियारि सोलिदों। बेनि सानै कास्टआ रोखा जाबाय आरो माखासेनि रोखा जानांगोआ

आद्रा दंवावो। जेपि दत्तनि बिथोन होनायाव बानायनाय बर्डरनि सिक्वेलनि स्क्रिप्टखौ निधि दत्तआ लिरदों, जाय जेपि दत्तनि फिसाजो। बियो बे सावथुनखौ बिथोनबो होगोन। बे सावथुनआ 1971 नि भारत-पाकिस्तान दावहानि जारिमिनारि बेकग्राउन्डनि सायाव बिथा खालामनाय जागोन। सुलुनि बादिब्ला, सावथुननि शुटिआ 2024 नि गिबि 3 दाननिफ्राय जागायगोन। बे सावथुननि थाखिआ भारतयारि सान्थि,


नेथि आरो अख्रामा सान्थि हान्जानि खौसेयै नाजानायखौ दिन्थिनाय, जाय 1971 नि दावहायाव गोखोडै नाजानांमोन। सुलुनि बादिब्ला, सल'आव वार हिर' आरो मुंखल'फोरनि पार्सनेल सल'फोरखो सरजाबनाय जागोन होनानै मिजिथिदों। सावथुननि थाखाय ग्राउन्डवर्कआ 2022 आव जागायदों, जेरव माखासे जायगाफोरखो शुटिनि थाखाय रेखाथि मावख'नियाव गोनांथार गनायथि मोनो थाखाय बानायगिरिआ दिल्लीआव माखासे खेब दावबायदों। बर्डर-2 आव सानै फावखुंगुरफोर रोखा महरै सरजाबबाय। सासे आ सिगाडाववनो सावथुनआव गाहाइ आरो जर'खा फाव खालामदों। बे फावखुंगुरआनो जादों सानि देअल। सानिखौ गावनि सिगांनि फावनि बादिनो दोहो गोनां आखुआव नुनो मोनगोन। बेराफार्से बर्डरआव नैथिआव फावखुंगुर आयुष्मान खुरानाआ रोखा

जाबाय। बियो गिबि खेब सानि देअलजों फाव खालामसिगोन। सावथुनखौ लानानै बियो गोबां थुलुंगाखांदों। फैनो गोनां सानफोराव गुबुन फावगिरिफोरखौ रोखा खालामनाय जागोन।

बलिउड फावखुंगुरि कंगना रनतआ 18 बोसोरनि केरियारआव गासै 39 सावथुनफोराव फाव खालामदों

कृस-3, तनु वेडस मनु आरो कुइन बायदि सावथुनफोराव फाव खालामनाय कंगना रनतआ गामनि एक्टिजों सुबुंफोरखो जावलिआ खालामो। बिन फाव खालामनायखौ अराय सम बाखनायनाय जायोब्ला गुबुन फारसेथिं माखासे खेब बिन खामानिखौ नेवसिनायबो जायो। बेनि जाहोनावनो बिन गोबां सावथुनफोरा फलपबो जादों। कंगनाया 2006 आव गेंस्टरजों लोगोसे गामनि केरियारखौ जागायदोंमोन। जायनि उनाव बियो व लमहे, शाकालाका बुम बुम, लाइभ इन ए मेट्रजों

लोगोसे गासै 39 सावथुनफोराव फाव खालामदों आरो आथिखालाव इमार्जेन्सि आरो गुबुन मोनसे आनटाइटल सावथुनफोरा टाइमलाइनआव दड। कंगनानि माखासे सावथुनफोरा बक्स अफिसआव मोजाडै जाफुंसारनो हादोंब्ला गुबुन फारसेथिं माखासेआ गज्रि रोखोमै फलपबो जादों। थानाय सानाव फावखुंगुर केआरके एबा कमल आर खानआ कंगना रनतनि सावथुनफोरखौ लानानै मोनसे पस्ट शेयार खालामदोंमोन। जेरव बियो फोरमायदोंदि, कंगनानि 8-10 सावथुनफोरनि अनगायै गासै 20



सावथुनफोरा प्लप जादों। केआरकेनि दे टुइटआव माखासे सुबुंफोरा फिनजाथाइबो होदों। केआरकेआ कंगना रनतनि फलप सावथुनफोरनि मुंखौबो बे फारिलाइयाव फोरमायदों। केआरकेआ गामनि टुइटआव कंगनानि जाय मोन 20

सावथुनफोरनि मुखौ फोरमायदों बेवहाय व लमहे, शाकालाका बुम बुम, नक आउथ, न प्रब्लेम, गेम, रास्क ल्स, मिले ना मिले, तेज, रज्ज, रिभल्वर रानी, उंगलि, रंगुन, कत्ति-बत्ति, सिर्मन, जाजमेन्टल, टलाइवि, ताकड,

भांगा, तेजास आरो आइ लाभ निउ यर्कनि मुड दंफायो। थानाय सानाव रिलिज जानाय कंगनानि तेजस सावथुनआ बक्स अफिसआव गज्रि रोखोमै फलप जादोंमोन। सावथुनखौ 70 कौटि रानि बाजेटआव बानायनाय जादोंमोन। आरो बक्स अफिसआव बेयो 6 कौटि रंखौनो आरजिनो हायाखैमोन। जायनि उनाव मेकासआ सावथुनखौ बाडाइ बेसेनाव अटीटी प्लेटफर्मनो फाननो गोनां जायो। बे सावथुनआ फलप जानायनि उनाव कंगनाया गावनो बेनि सायाव फिनजाथाइ होदोंमोन आरो दुखु फोरमायदोंमोन।

मुलुगनि दैदेनगिरिफोरनि गेजेराव फिन गाहाइ मन्थि मदिआ सेथि मासिआव जायगा आवग्रिदों

गोदान दिल्ली, 9 डिसेम्बर: गाहाइ मन्थि मदिआ हदरआवल न'ड, मुलुगनाडै-नो बयजोंबो जोबोद अन्सायजानाय। बेखौ मर्नि कन्साल्टनि मोनसे सार्भेआव गाहाइ मन्थि मदिआ मोन्नाय रेटिनिफ्रायनो हमदानो हायो। सार्भेनि बादिब्ला, गाहाइ मन्थि मदिआ मुलुगनाडैदेनगिरिफोरनि गेजेराव फिन खेबसेबाव जौसिन मासिआव जायगा आवग्रिनो हादों। बिथाड 76 जौखोन्दो एपुभेल रेटि मोनो हादों। आमेरिकानि कन्साल्टेन्स फर्मनि ग्लबेल लिडार एपुभेल रेटि ट्रेकरनि बादिब्ला, भारतआव 76 जौखोन्दो सुबुंफोरा गाहाइ मन्थि मदिनि दैदेन्याय सरकारखौ मोजां




होन्नानै गनायदों। बेराफासँ 18 जौखोन्दो सुबुंफोरा बिथानि दैदेन्यायखौ मोजां मोनाखै आरो 6 जौखोन्दो सुबुंफोरा गाव-गावनि रायखौ होयाखै। रेटिनि बिथिडव गाहाइ मन्थि मदिनि साखाथियाव रावबो दैदेनगिरि गैया। सार्भेआव नैथि नम्बरआव दडमेक्सिक'नि हदरगिरि एन्ड्रेस मेनुएल लपेज अन्ब्रेड, जाय 66

जौखोन्दो रेटि मोनो हादों। बिथानि उनाव सुइजारलेण्डनि हदरगिरि एलेन बर्सेटआ 58 जौखोन्दोखौ थामथिआव जायगा आवग्रिनो हादों। मख'जाथावदि, सिगांनि सार्भेआवबो गाहाइ मन्थि मदिआ ग्लबेल रेटिआव टपआव दडमोन। बेराफासँ माखासे गिदिर ग्लबेल दैदेनगिरिफोरनि एपुभेल रेटिआ जोबोद खममोन।

आमेरिकानि हदरगिरि ज' बाइडेनआ एपुभेल रेटिआव 37 जौखोन्दो, कानाडानि गाहाइ मन्थि टुडआ 31 जौखोन्दो आरो इउकेनि गाहाइ मन्थि ऋषि सुनकआ 25 जौखोन्दो रेटि मोनो हादों। फ्रान्सनि हदरगिरि इमानुएल मेक्रनआ सार्भेआव 24 जौखोन्दो रेटि मोनो हादों। गाहाइ मन्थि मदिनि त्य रेटिआ ज'खायै बिजेपि खुंथाय खुंनाय हिन्दी रावयारि राइन्ज्यो मध्य प्रदेश, राजस्तान आरो छत्तिसगइ बिधान सभा बिसायख'थिफोराव गोखों देरहासारनो हानायनि उनाव सोराडव फैंदों। बेखौ 2024 आव जानो गोनां जेनेरेल इलेक्सननि सिगां गाहाइ मन्थि मदि आरो बिथानि पाटिनि थाखाय मोनसे गिदिर प्रमसन महै-नोजोर होनाय जादों। बावैसो सिगां मदिआ दुबाइआव कन्फारेन्स अफ पाटिज-28 बोथोरारि नायबिजिरनाय सन्मिलनआव बाहागो लादों, जेराव बिथाड बुंदोंदि, भारतआ बै हदरफोरनि गेजेराव दरसे जाय बोथोर सोलायनायजों जुजिनो नाजानायनि गेजेरजों एनडिसिखौ आबुं खालामनायनि लामायव आवगायलांगासिनो। बेजों लोगोसेनो बिथाड बुंवावोदि, भारतआव 2028 आव सिअपि-28 खौ दैदेनगोन।

सिंगापुरआव कभिड-19 गोसारनायनि सायाव सांग्रांथि होदों

सिंगापुर, 9 डिसेम्बर: मुलुगनाडै नो बयखौबो संखिखांहोनो हानाय कभिड-19 गोसारनाया बाडाइ जाबोनायनि गेजेराव फिन बेनि गोसारनायजों बेरामिफोरनि अन्जिमा बांनया सोराडव फैंदों। करनाआ सिंगपुरआव बांसिनै गोसारनो हमदों, जेराव कभिड-19 इन्फेक्सन जानाय सुबुंफोर आरो फाहामसालिआव थिसनजानाय बेरामिफोरनि अन्जिमाया लान्श्रियैनो बांसिन जाबोगासिनो। सिंगपुर देहा मावख'आ सांग्रांथि फोसावनानै बेनि बागै मिथिहोदों। मावख'आ सांग्रांथि होदोंब्लाबो बेखौ गिनो नाड



होन्नानैबो बुडो। दासिमाव बेफोर भेरिण्टआ बेसेबां गिखंधाव बेखौ मिथिनो हानाय जायाखै। सुलुंनि बादिब्ला, थानाय 2 डिसेम्बरसिमआव सा 32 नि बांसिन सुबुंफोरनयाव कभिड-19 पजिटिभ मोन्दों। देहा मावख'आ बुंवावोदि, थानाय

मार्च दानसिमआव सिंगपुरआव 28 रोजानि बांसिन करना सन्देरजानाय सुबुंफोर दडमोन। बेराफासँ आथिखालाव करना पजिटिभआ बांबोनायखौ नोजोर होनाइ देहा मावख'आ बुंदों, देहा फाहामसालिफोरव सन्देरजानाय बेरामिफोरा बांसिनै थिसनजानो

हमदों। शुक्रबारखालि फोसावनाय सानसेयारि अन्जिमा बादिब्ला, बे सप्ताहआव 136 निफ्राय बांनानै करना पजिटिभनि अन्जिमाया सा 225 जाहैबाय। बेराफासँ अन्जिमानि बादिब्ला, 26 नभेम्बरनिफ्राय 2 डिसेम्बरसिमआव कभिड-19 नि सा 9 गोब्राव केस मोन्दोंमोन। बिसोर गासैबो बेरामिफोरखौ आइसिइउआव थिसन्याय जादोंमोन। देहा मावख'आ सांग्रांथिआव बुंदोंदि, करनानि केसआ बांनयनि गोबां जागोन थानो हागौ आरो सुबुंफोरखौ गावनि कभिड-19 भेक्सननि बागै आपडेट जानानै थानोबो खवलायदों।

गुगल पेजों मबाइल रिचार्ज खालामोब्ला एन्भिनिएन्स फीस होनांसिगोन



गोदान दिल्ली, 9 डिसेम्बर: आथिखालाव बांसिन इउजारफोरनो इनस्टेट पेमेन्ट एप गुगल पेजों गावनि मबाइल रिचार्ज खालामो। बिसोरनि थाखाय मोनसे मिथिनो गोनां खौरों। गुगल पेआ इउपिआइ बाहायनानै मबाइल रिचार्ज खालामो इउजारफोरनिफ्राय कन्भिनिएन्स फीस लानो जागायबाय। बेनि गेजेरजों कम्पनीनि फासँनिफ्राय 3 रांसिम कन्भिनिएन्स फीस लानाया जागायबाय। बे चार्जखौ एरैबादि इउजारफोरनिफ्राय लानाय जागोन, जायफोरा गुगल

पेनि गेजेरजों प्रिपेड प्लाननि रिचार्ज खालामो। सिगाडव बे सार्भिसआ आबुडै-नो फ्रीमोन। इउजारफोरा टेलिक्रम अपारिटेनिफ्राय जानाय रंखौल' होनांगोमोन। बे थांखि लानायनि उनाव गुगल पेआबो पेटिएम आरो फन पेनि फारिलाइआव थाफाबाय। पेटिएम आरो फन पेआ मबाइल रिचार्जनि बदलै फीसखौ माखासे सान सिगांनिफ्रायनो लागासिनो। गुगलनि फासँनिफ्राय मबाइल रिचार्जनि सायाव जाबसिन्याय कन्भिनिएन्स फीसनि बागै अफिसिएल महै सासे इउजारआ

गुगल पेजों गावनि मबाइल रिचार्ज खालामो नाजानायव मिथिनो मोन्दों। इउजारआ बेनि सिगां 11 नभेम्बरआवबो मबाइल रिचार्ज सोदोंमोन, जेराव जेबो रोखोमनि एक्स्ट्रा चार्ज लायाखैमोन। नाथाय बे खेबआव मबाइल रिचार्ज खालामनायाव उफ्रा। चार्ज लाजानानै सोमोनांदों। मिथिनो मोन्नाय बादिब्ला, 100 रांसिमनि रिचार्जखौ गुगल पेजों खालामोब्ला बेयाव टेक्स होनांनयाय नड। नाथाय 100-200 रांसिमनि रिचार्ज खालामोब्ला टेक्स महै 2 रां आरो 200-300 रांसिम आरो बेनि बांसिन रिचार्ज खालामोब्ला 3 रां कन्भिनिएन्स फीस लानाय जादों। गुगल पेआ गावनि पलिसिआव सोदोंनाय लाबोनानै पेटिएम आरो फन पे बायदि पेमेन्ट सार्भिस प्रभाइडार एपनि नेमखाथिखौ उनसंदों।

इजराइलआ हमासनि सायाव गावलोबनो गोदान हाथियार बाहायदों

जेरुशालेम, 9 डिसेम्बर: इजराइल-हमास दावहाया सानफ्रोमबो हिंसांनि गोजाम रेकडखौ सिफायनानै आवगायलांनो हमदों। बे दावहाया बयनिखुइ बांसिन आइजोफोर आरो उन्दै गथ'फोरनयाव गोहोम खोखैदों। इजराइलनि गाहाइ मन्थि नेतन्याहुआ उतखारि आफद हमासखौ फोजोबसांगोन होन्नानै समायखिरा लादों। नेतन्याहुआ बेखौ मोखथां महर

होनो थाखाय मोनसे गोदान हाथियारखौ दावहाथिलियाव लाबोदों। इजराइल-हमासनि दावहाखौ लानानै सानफ्रोमबो ससेल मिडियाआव माखासे भिडिअआ भाइरेल जादों। दाबि दैखानाय बादिब्ला, इजराइलआ दावहा थिलिआव स्पाइस मुनि बमा गावहरदों। मख'नो गोनांदि, बेयो बै बमा, जायखौ भारतआ बालाकट स्ट्राइकखौ मोखथां महर होनो थाखाय बाहायदोंमोन। नभेम्बर दानआव दा वाल स्ट्रीट



जार्नेलआ मोनसे खौरों सेबखंदों, जेराव 320 मिलियन डलार बेसेननि बमाखौ आमेरिकाया इजराइलनो हरनो हागौ होन्नानै बुंनया जादों। आथिखालाव थारैनो

बे स्पाइस बमाया मा आरो बेनि गोहोआ मा बेनि सायाव सोंथि सिखंदों। स्पाइसनि आबु मुड स्मार्ट, प्रेसाइस इम्पेक्ट, कस्ट-इम्पेक्टिभ। बारहावानिफ्राय हासा बाहागोआव गोब्राबै गावहरनो हानाय बे बमाखौ रफेल इउएएए कम्पनीनि गेजेरजों डेबेलप खालामनाय जादों। हाथियारआ जिपिएस सिस्टेमनि लेस जानाय जाय बेनि थांखिनयायखौ गोखों बानायो। स्पाइस बमा एडबान्स गाइडेड किटखौ इउज खालामो आरो ग्लबेल पजिसनि सिस्टेमजों थांखिआव गोखों वार खालामो।

स्पाइस बमाखौ माबेबा बिलिडंआव हाबनो थाखाय बाहायनाय जायो। बेयो इन्जुखौ फलंनानै सिडव हाबो आरो बेरफुनायजों लोगोसेनो शक वेब सोमजिहोयो। बेनि जाहोनाव सिडव थानाय सुबुंफोर जिउ गोमायो। बेनि लिस्थाया 500 निफ्राय 900 कि:ग्रा:सिम जायो। स्पाइस बमाखौ इजराइलनि रैखाथि कम्पनी रफेल एडबान्स डिफेन्स सिस्टेमआ बानायदों आरो बेवहाय आमेरिकानि कम्पनी रफेल इउएएआ हेफाजाव होदों।

मुलुगनाडै बांबोनाय बिदुंजों बरफ दामोलफोरा गलिलांनानै सिलिंखार लाबोनो हागौ: स्टाडि

गोदान दिल्ली, 9 डिसेम्बर: हिमालय हाजोमानि ग्लेसियार एवा बरफ दामोलआ गलिलांनानै दड। मुलुगनाडै बिदुं बांसिन जाबोनाया हिमालयनि बरफ दामोलफोराव बरफनि सा बाहागोआव नांफेनाय बारखौ थाबैनो गुसु खालामो। फैनो गोनां गुसु बारफोरा बरफ दामोलफोरखौ गुसु खालामनो आरो खाथि-खालानि आबहावायारि तन्त्रखौ सरैखाथि खालामनायाव मदद होयो। हिमालयआव गोबां जौसिन हाजो थिखिनिफोर दड। भारत, पाकिस्तान, आफगानिस्तान, चीन, भुटान आरो नेपालआव गोसारनानै थानाय भुमखौरांनि बेयो फोथायनो गोब्राव मख'जाथाव हारिमुवारि आरो थासारियारि जायगा। अदेबानि बोथोर सोलायनायजों बे ओन्सोलआ खैफोदआव गोमलैदों आरो नायबिजिरनाय खारिफोरनिफ्राय मिथिनो हायोदि, हिमालयनि बरफआ गलिलांनानयनि गोहोमआ बेसेबां गिखंधाव जानो हागौ। इन्स्टिटुट अफ



साइन्स एन्ड टेकनलजी अस्ट्रियानि प्रफेसार फ्रांसेस्का पेलिसियटीनि दैदेन्यायाव संदानगिरिफोरनि मोनसे इन्टारनेसनेल टीमआ बे स्टाडीखौ खालामो, जायखौ ने चार जियसाइन्सआव सेबखंदों। ग्लबेल वार्मिनि जाहोनाव ग्लेसियारनि सायाव आबहावानि दुहाव बार आरो ग्लेसियारनि सा बाहागोजों थोंजों सोमोन्दोआव फेनाय बारनि गेजेराव बिदुंनि फारागथिआ

बांसिन जायो। संदानगिरिफोरनि बादिब्ला, बेजों ग्लेसियारनि बाहागोआव बिदुज बाडो आरो सा बाहागोनि बारनि थोफोआव गुसुआ बांसिन जायो। जायनि जाहोनाव, गुसु आरो गोयन रान्साव सा बाहागोनि बारआ बारखालायालाडे आरो गाहायनि हायेनफोराव बारफेयो। बेनि जाहोनाव ग्लेसियारफोरनि गाहाइ बाहागो आरो खाथि-कालानि आबहावायारि तन्त्रआ गुसु जायो। संदानगिरिफोरा बेखौ

मिथिनो नाजादोंदि, बबे ग्लेसियारआ ग्लबेल वार्मिनिफ्राय रैखाथि मोनो थाखाय गुसु बार लाबोनानै पजिटिभ फिनजाथाय होनो हागौ आरो बेसेबां समसिम बेयो सोलिबाय थायो। एसियाआव गोबां बिबानि बरफ दड आरो बेनि फिनजाथाय होनाय समआ गोलाव। बेनिखायनो संदानगिरिफोरा फोथायदोंदि, जोंहा दाबो ग्लेसियारफोरखौ रैखाथि होनायनि खाबु दड। बिथानि मोननि बादिब्ला, हिमालयनि थासारिआ जोबोद गाजि। मोनसे स्टाडिआव मिथिनो हादोंदि, कार्बन-डाइ-अक्साइड ऑखारहोनायखौ गोखों खालामोब्ला हिन्दुकुश-हिमालय ओन्सोलनि थाम बाहागोनि 2 बाहागो ग्लेसियारआ गोमालांनो हागौ।

आमेरिका, जापान आरो खोला करियाआ सा करियानि हेंथायै गोखों जादों

वाशिंग्टन, 9 डिसेम्बर: सा-करियानि तानाशाह किम जं उनि आखुफोरजों जिंगायाव गोमलैनानै आमेरिका, जापान आरो खोला करियाआ गिबि खेब गिदिर थांखि फोसावदों। आमेरिका खोला करिया आरो जापाननि माहारियारि रैखाथि बोसोनगिरिफोरा सा करियानि गेजेरजों रांसियानो गोखों हाथियार दैथाइ हरनायखौ लानानै जिंगा सिनाय फोस्मायो आरो बिसोरनि गुन्डासा हाथियारफोर आरो मिसाइलफोरखौ जौगाखां होनायजों गुबुन हादतफोरजों लोगोसे सान्श्रियारि हेफाजाव होनायफोरनि सायाव कन्दूल खालामनो थाखाय शनिबारखालि गोखोंडै हारिमायारि हेफाजाव होनो खावलायो। करिया द्विप हान्जायाव बावयैसो सिगां बोसोरफोराव गोबां जेनाफोरनि गेजेरजों सियालाव बे जथुमा जायो। जथुमनि उनाव मोनसे जुथाइ खौरांगिरि जथुमायाव खोला करियानि माहारियारि रैखाथि बिफाननि बिथोनगिरि च ताइ-पेआ बुडोदि, साथाम रैखाथि बोसोनगिरिफोरा गुबुन हादतफोरजों लोगोसे हाथियार फालांगिनि सायाव होबथानो खावलायदों। सा 3 बिबानगिरिफोरा बेनि सायाव



होबथानाय जाबसिननो थाखाय खोला करिया, आमेरिका, जापान आरो अस्ट्रेलियाखौ बाख्नायो। बे जथुमानि उनाव आमेरिकानि माहारियारि रैखाथि बोसोनगिरि जेक सुलिनावआ बुडो,

वाशिंग्टनआ रैखाथि हेफाजाव होनायखौ गोखों खालामनो थाखाय सियल आरो तकिय'जों लोगोसे गोरोबलायनानै खामानि मावगासिनो दड'।

इराकनि गंसे इउनिभासिटिनि हस्टेलआव अर खामनायजों सा 14 सुबुंफोरनि जिउ गोमादो

बागदाद, 9 डिसेम्बर: इराकनि गंसे इउनिभासिटिआव अर खामनायजों गिदिर जाब्रथाय जादों। सुलुंनि बादिब्ला, सा इराक इउनिभासिटिनि हस्टेलआव अर खामनायजों सा 14 सुबुंफोरा जिउ गोमादों। जिउ गोमानायफोरनि गेजेराव बांसिनखौ फरायसाफोर होन्नानै फोरमायदों। सुलुंनि बादिब्ला, कुर्दिस्तान ओन्सोलाव एरबिल राइज्योनो सरन सहराव शुक्रबारखालि अर खामनायजों सा 14 सुबुंफोरा थैयो आरो सा 18 गुबुन सुबुंफोरा जोखोम जायो। पाब्लिक हेल्थ



बिफाननि मोनसे बिबुंधियाव बुंनया जादोंदि, अरआ गिबिसिनआव थाला 3 आरो थाला 4 बिलिडंआव खामदों, जेराव इउनिभासिटिनि फरायसाफोर आरो फोरोंगिरिफोरा थायोमोन। बेनि

उनाव अरआ 5 थालानि गासै थालाफोराव गोसारो। फोरमायनाय बादिब्ला, नायबिजिरनायजों इसारा मोन्नाय जादोंदि, अरआ मोब्लिबनि शर्ट सार्फिटनि जाहोनाव खामदोंमोन। जिउ

तेल अभिभ, 9 डिसेम्बर: इजराइल आरो हमास दावहायाव इजराइलआ गाजानि



ओन्सोलफोराव हमासनि दावहारुफोरखौ नागिरनायनि गोदान टैक्निकफोरनि सायाव खामानि मावगासिनो दड। बेनि इसाराखौ बावैसो सिगां इजराइल सान्श्रिपोरनि फासँनिफ्राय आर्टिफिसिएल इन्टेलिजेन्स सिस्टेमखौ बाहायनाय खौरांनिफ्राय मोन्दों। बे सिस्टेमजों गाजायाव खेबसेयैनो 100 निबो बांसिन नोजोर होनायफोरनि सायाव गाग्लोबनो

हागोन आरो जानो हाथाव खहाफोरनि अन्जिमाखौबो सिगाडवनो मिथिनो हागोन। कन्भारसेसनआव फोसावनयाव अस्ट्रेलियान ने सनेल इउनिभासिटिनि बिबानगिरि बियांका बेरियागिनिआ बुंदोंदि, एआइआ सिगांनिफ्रायनो बेबादि खालामनायखौ जागायबाय। इजराइल सान्श्रिनि एआइ सिस्टेमखौ हाबसरा मुं होनाय जादों। सुलुडव फोरमायनाय

बादिब्ला, बे सिस्टेमखौ इजराइलनि सान्श्रिफोरा बाहायनो जागायबाय। जायजों बिसोर बांसिनै गाग्लोबनो हागोन आरो हमासनि दावहारुफोरखौबो नागिरनो हागोन। लोगोसे नोगोरारिफोरनि खहा जागोननि अन्जिमाखौबो सिगाडवनो मिथिनो हागोन। आथिखालाव सान्श्रिफोरा अटनमास सिस्टेमखौ बाहायदों, जायजों बिसोर गावसोरनि रैखाथिखौ साबसिन खालामनो हायो। एआइ सिस्टेमआ सान्श्रिफोरखौ बांसिनै बान्जायजाथाव खालामनो हागौ। बेजों सान्श्रिफोरखौ दावहानि फोथारआव खम जानाय नुनो मोन्दों आरो बिसोर इन्टेलिजेन्सफोरनि खौरांखौबो बुधुमनो हायो।

गोनांथि जानाय सुबुंफोरजों आसाम सरकार
जौगानायनि फार्से जोंनि राइज्यो

10
अक्ट'

पेन्सन आरो
अरुनदय सान



मोन्नो गोनां मुलाम्फागिरिफोर
83,80,757



दानफ्रोमबो होनो गोनां धोन
378.75 कौटि रां

दानफ्रोमबो 10 अक्टआव मुलाम्फागिरिफोरनि एकाउन्टआव हरनो गोनां धोननि
6 लाख गोदान मुलाम्फागिरिफोरनि अरुनदय बिथांखिनि खाबु

इन्दिरा मिरि सार्वजनीन विधवा पेंशन आरो
दीनदयाल दिव्यंगजन हेफाजाब बिथांखिखौ
दा अरुनदय बिथांखियाव सरजाबनाय जाबाय

बिथांखिफोर

● अरुनदय

● शहीद कुशल कँवर वृद्धा पेनसन

● माहारियारि बेंगुरा, रान्दि
आरो बोराय पेन्सन बिथांखि

फोरमायथाइ आरो सुबुं फोनांजाब बिथोनगिरि मावख', आसामजों फोसावजानाय

Connect with us



@diprassam dipr.assam.gov.in

Janasanyog/D/14644/23/10-Dec-23



AFCAT
YOUR CHANCE TO
JOIN IAF

Registrations open till
30 December 2023

DISHA
BY INDIAN AIR FORCE

ENTRY

AFCAT Entry

NCC Special Entry

For updates, follow us on

BRANCHES

Flying/ Technical/ Weapon Systems/ Administration/
Logistics/ Accounts/ Education/ Meteorology

Flying (NCC Air Wing
'C' certificate is mandatory)

f DISHA by Indian Air Force



careerinaf CareerinIAF



● AFCAT Entry: Registration mandatory and online exam/ NCC Special Entry registration mandatory and no online exam

● Aadhaar card is mandatory for online registration ● Registrations open from 01 December 2023 till 30 December 2023

● For more details, refer to Employment News dated 25 November 2023 and for detailed notification visit our website careerairforce.nic.in and afcat.cdac.in

'DISHA' Cell, Air Headquarters, Vayu Bhawan, Motilal Nehru Marg, New Delhi - 110106 | Tel: 011-23013690 | Toll-free No.: 1800-11-2448 | E-mail: career.iaf@nic.in